

“Roy het die Allerheiligste en die doel daarvan gesien!”

Yeshua het vir Roy die *Allerheiligste* gewys. Dit was 'n ongelooflike visioen en toepaslik op die eindtyd. Die “Een Man” en die gesuiwerde Bruid. Vader wil hê dat ons dit verstaan.



Vanuit Roy se rekords:

Op 7 Februarie 2009 het hy die volgende visioen gehad: *“Ek het na die Allerheiligste vanuit 'n sekere hoek en van bo af gekyk (soos op die prentjie). Dit het 'n ongelooflike gladde afwerking gehad, onmoontlik om te beskryf. Ek glo nie enige skildery of beeldhouwerk kan dit weergee nie. Dit was in die vorm van 'n kubus, maar ek kon nie helder sien tot aan die onderkant se sykante nie as gevolg van die ongelooflike helder lig wat dit omgeef het. Die woord “Doelwit” het my hele wese deurdring, sowel as die Allerheiligste en die hele toneel. ‘Doelwit’ het gelyk asof dit in 'n kits uitgesprei het voor my en in my. Dit was ontsaglik en die hele rede vir die Allerheiligste!”*

Roy sê dat die konsep van ‘doelwit’ in die Allerheiligste nie vir hom nuut was nie, want Yeshua was reeds geruime tyd besig om hom daarvoor te leer. Maar om ‘doelwit’ alles te laat deurweek, insluitend homself in hierdie ervaring, was soos ‘n ontploffing van totstandkoming, wat die uiterste belang wat Yeshua daaraan heg, openbaar. Yeshua het vir hulle al hoe meer van Sy ‘doelwit’ begin leer, elke keer wanneer hulle ‘in Hom’ in ‘n Vergadering ingegaan het. Yeshua het hulle geleer omtrent heiligheid, volmaaktheid en om rein te wees as ‘n korporatiewe groep, net soos die Hoë Priester rein en geheilig moes wees wanneer hy die Allerheiligste betree het. ‘n Enkel persoon is een saak, maar korporatief is beslis iets anders en dit voeg meer dimensie by tot wat toekomstig moet plaasvind. Dit is die hoof rede waarom Yeshua aan hulle gesê het dat wat Hy van die Bruid vra om as ‘n korporatiewe liggaam te doen, moeilik is!

Laat ons jou ‘n gedeeltelike prentjie gee oor wat Yeshua aan Roy geopenbaar het aangaande reinheid, suiwerheid van aksie **en doelwit** in Hom, in ‘n *Allerheiligste* atmosfeer:

Die Hoë Priester in die Ou Testament moes absoluut rein wees om in die *Allerheiligste* te kon ingaan, want hy moes in Yeshua ingaan. Yeshua het aan Roy gesê dat hulle inderdaad in Hom ingekom het! Daardie Priesters het ‘n spesifieke taak gehad om in die *Allerheiligste* te verrig en daardie taak was vir YHWH en vir Israel. Daardie taak het met wetlike aspekte te doen gehad. Dit was die wettige manier om op die aarde op daardie stadium die doelwitte van YHWH te volbring.

Verlossing, vergifnis van sonde, en versoening vir die mens is alleenlik in Yeshua. Dit is waarom versoening moes plaasvind, volgens instruksies, eintlik in Yeshua in die Allerheiligste! Die Allerheiligste was 'n rein plek waar Yeshua kon woon.

Net soos wat die Hoë Priester 'n spesifieke werk gehad het om te doen in die Allerheiligste in Yeshua, vir Hom en die mens, het die Vrou van Yeshua 'n spesifieke werk om in Yeshua te doen, vir Hom en die mens. Alleenlik Yeshua weet wat al die werk behels, maar dit is daar, wagter om gedoen te word. Dit het te doen met die eindtyd!

Yeshua het aan Roy-hulle gewys dat Hy Homself ten volle in Sy korporatiewe getroude bruid wil laat manifesteer wanneer sy “in Hom” vergader. Dit is nie die Heilige Gees nie, maar Yeshua self! Dit is gedeeltelik waarom Hy afsonderlik aan hulle die Allerheiligste getoon het sodat ons kan verstaan hoe rein ons as individue en as 'n korporatiewe liggaam moet wees om “in Hom” te wees en vir Hom om “in ons” te wees. Hierdie reinheid is volgens Yeshua se idee van reinheid en nie die mens se idee nie. Yeshua is besig om in hierdie spesifieke tydperk reg oor die wêreld hierdie gedagte van “om rein te wees” in Sy liggaam voort te bring. Die volgende is 'n Woord wat aan 'n klein groepie gelowiges in New York gegee was:

“Waarom soek julle My aangesig? Waarom soek julle My Heerlikheid? Julle kan nie My teenwoordigheid hanteer nie – dit sal julle verteer – wees Heilig, wees gereinig, wees My Heerlikheid waardig. Reinig, Reinig, Reinig julle tempels; Ek begeer om julle te vul, maar ek kan nie 'n besoedelde huis binnegaan nie. Ek sal nie 'n besoedelde huis binnegaan nie; reinig, reinig.”

Weer eens, die rede waarom Yeshua aan ons die Allerheiligste getoon het en waarom wat Hy gedoen het omtrent ‘doelwit’, so sterk is, is omdat Yeshua groot Koninkryks doelwitte vir Sy Bruid het wanneer sy in Hom in 'n Vergadering is. Sy het 'n werk om daar te doen wat van die begin af bepaal was. Onthou, sekere sake moet in Yeshua op aarde gedoen word ter wille van wettigheid en die vervulling van Elohim se Woord. Elohim doen altyd alles wettig. Byvoorbeeld: Yeshua moes hierdie aarde betree deur die baarmoeder van 'n vrou! Dit was die enigste wettige manier.


Kom ons gee jou 'n voorbeeld van Koninkryksake teenoor ander sake: Roy het aan hulle groep verduidelik dat wanneer hul reiner raak en in Yeshua is soos wat Hy verlang, dan sal Hy hulle meer en meer in Sy Koninkryksake begin gebruik. Yeshua het vir hulle omtrent twee weke later 'n aanduiding gegee. Hy het hulle opdrag gegee om die Anti-chris terug te stoot, want hy wou te vroeg kom! Ons sal nie ingaan op wat presies alles gebeur het nie, maar ons hoop dat julle kan sien dat dit Koninkryksake was met 'n baie hoër doelwit as die gewone.


Roy het besef dat hierdie maar net 'n tikkie, 'n kolletjie van 'n prentjie van die moontlikhede is wanneer die Bruid in Yeshua ingaan, gesuiwer om Sy Koninkryksake in die toekoms te doen.

Dit is 'n ernstige saak om Yeshua ten volle gemanifesteer te sien in 'n vergadering. Dit is net so ernstig as om in die *Allerheiligste* te wees. Die priesters het gesterf as hulle nie gereinig was nie. Hulle het spesifieke instruksies gehad om te vervul en daarom gee Yeshua aan ons spesifieke grense en riglyne om dieselfde redes. Elohim is geen aannemer van persoon nie en as jy nie rein is nie, dan is jy nie rein nie, of jy gered is of nie, gedoop met die Heilige Gees of nie, bedeel met gawes of nie! Hierdie gaan nie daaroor nie. Die volle manifestasie van Yeshua gaan plaasvind!

8 November 2008 'n visioen gegee aan Roy. (Hy word deur die X in die prentjie verteenwoordig.) "Ek was in 'n soort gang van ongeveer vier meter wyd, miskien 'n bietjie wyer. 'n Man met outoriteit het met my gepraat en my by 'n hokkie in die gang ingestoot. Hy het gesê:

"Daar is iets op pad en jy moet hier ingaan en moenie uitkom nie!" Hierdie hokkie was van klerasie of materiaal gemaak en daar was 'n hele paar van hulle al met die gang se mure langs. Daar was oorgenoeg staanplek in hierdie hokkies. Toe verdwyn die man en los my in die gang. Ek het in die middel gestaan en rondkyk toe ek iets ver aan my regterkant hoor aankom. Dit was 'n harde, vreemde geluid en dit het geklink asof dit baie vinnig beweeg, soos 'n straalvegter. Ek draai toe om en hardloop terug in die hokkie in waar die man my ingestoot het. In die hokkie draai ek toe om en kyk in die gang in. Kort daarna sien ek 'n suiwer wit lig met inhoud vinnig verby beweeg in die presiese middel van die gang. Dit was dieselfde wit lig en aksie soos toe Yeshua in die middel van die Goue weg beweeg het (Korporatiewe Vloeikaart). Ek het gehoorsaam in die hokkie gebly – sonder dat ek geweet het wat die rede of doel daarvan is! Tyd het verloop en skielik het ek geweet dat iets anders op pad was, maar daar was geen geluid nie. Toe sien en voel ek die teenwoordigheid van Elohim wat inkom soos 'n wolk uit dieselfde rigting as wat die wit lig gekom het. Hierdie teenwoordigheid het inhoud gehad en ek kan dit nie beskryf nie, buiten dat dit Elohim self was. Elohim het die gang en die hokkies al langs die gang af gevul soos wat Hy met die gang af beweeg het. Ek het in my hokkie gebly soos wat ek beveel was, waaksaam en wetende dat as ek buite in die gang was toe Elohim dit en die atmosfeer om my gevul het, ek dood sou gewees het.





Ek weet dat gehoorsaamheid sonder om te verstaan, my lewe gered het. Ek is baie seker dat as ek in die gang in beweeg het nadat Yeshua dit sowel as die atmosfeer rondom my gevul het, sou ek gesterf het. Gehoorsaamheid, sonder om te verstaan, was die sleutel tot lewe; ongehoorsaamheid in enige vorm sou die dood gebring het.

Ons moet hierdie “Sake van die Gees” as ‘n prent sien en besef dat daar volkomeheid in die prent is. As jy hierdie gebeure soos wat Roy gehad het al ondervind het, sal jy weet dat hierdie dinge werklik gaan gebeur. Roy sê dat hy baie vinnig moes dink as gevolg van die spoed van die stralerklank soos wat dit nader gekom het. ‘n Absolute onveranderbare waarheid in hierdie toneel is dat gehoorsaamheid sonder om te verstaan hoekom ons iets moet doen, die sleutel is.

Die Hoëpriesters moes volkome gehoorsaam wees in die voorbereiding van hulleself en die uitvoering van hulle pligte volgens Elohim se instruksies. Die Getroude Bruid moet presies dieselfde doen, deur volkome gehoorsaamheid in die voorbereiding van haarself sowel as die presiese uitvoering van instruksies deur Yeshua gegee. In die volgende afdeling sal jy grense en riglyne vind wat deur Yeshua gegee is en wat in volkome gehoorsaamheid gedoen moet word, alles in voorbereiding om die werk te doen.

Protokol wat Nodig is om “in Yeshua” te kan Vergader as Sy Bruid

Subtitels:

Ingaan in ‘n “in Hom” vergadering

Yeshua se agenda binne ‘n “in Hom” vergadering

Waarheid, foute en die vloei van ‘n “in Hom” vergadering

Die afbeeldings in hierdie artikels is simbolies van sommige van die protokolle (menslike gedragskodes) wat nodig is om in Yeshua te vergader as Sy Bruid. Dit is ‘n basiese oorsig van die prosedures vir menslike gedrag wat nodig is en dit is ‘n aangeleerde saak. ‘n Vergadering in Yeshua word na verwys as ‘n “in Hom” Vergadering. ‘n Bedieningsbyeenkoms is nie soos hierdie een nie, maar ons kom sommige van die protokolle na, veral die **stilte** in sekere dele van die Vergadering. (Sien die vorige boek oor Goue Vergaderings.) Dit het te doen met respek en die Heiligheid van Yeshua. Ons het ook ‘n Ronde Tafel Vergadering na ‘n “in Hom” Vergadering. Dit is bloot ‘n bespreking en die bymekaar bring van die “Sake van die Gees” wat in die Vergadering openbaar is en wat daar gebeur het. Hierdie sake word dan in die vloeikaart aangeteken.

Ingaan van 'n "in Hom" Vergadering:


Yeshua gebruik die tempel-stelsel om ons te toon hoe om in Hom in te beweeg tydens 'n Vergadering. Dit is niks nuuts nie; Israel se Hoëpriesters het in Elohim in beweeg wanneer hulle in die *Allerheiligste* ingegaan het.

9 Oktober 2000

"Kom tot orde, sê Yeshua. Kom tot orde, Ek soek orde in my gemeente. Ek is Elohim, en Ek sal orde hê om my doelwitte te vervul...

13 Maart 2009

"Wanneer ek vir julle sê dat dit stilte kos om in MY in te beweeg, is dit nie vir 'n groter saak nie? Wanneer ek sê dat die grond Heilig is, en dat julle jul skoene moet uittrek, is dit nie vir 'n groter saak nie? Wanneer ek sê dat julle jul moet reinig van die drie hoof vlekke wat EK openbaar het, sodat dit vir julle moontlik is om in my Koninkryksvergaderings te mag ingaan, is dit nie vir 'n groter saak nie? As ek 'n Koninkryksvergadering met 'n duisend mense hou en hulle almal nader MY troon op dieselfde oomblik, sal dit nie chaos bring onder die mense nie? Het Ek nie gesê 'Ek soek orde in MY Gemeente nie? Is hierdie (orde) nie vir 'n groter doel nie?"



Kyk na die vorige prent:

1. Ons sit en wag vir almal om teenwoordig te wees. Jy kan nie in Yeshua inslenter nie, want ons moet as een persoon in Hom inbeweeg. Skoene word uitgetrek uit respek vir Hom. Yeshua het gesê: **“Wanneer Ek vir julle sê om julle skoene uit te trek, is dit nie vir ‘n groter saak nie?”**
2. Stilte is die sleutel, met 'n oor wat luister. Yeshua het gesê: **“Wanneer ek vir julle sê dat dit stilte kos om in MY in te beweeg, is dit nie vir ‘n groter saak nie?”**
3. Die wagter op die muur is die persoon wat deur Yeshua aangestel is om die agenda te kry. Yeshua het vir Roy gesê: **Sy is die oog** (meer hieroor in ander inligting). **As ek 'n Koninkryksvergadering met 'n duisend mense het en hulle almal nader MY troon op dieselfde oomblik, sal dit nie chaos bring onder die mense nie?** YHWH is 'n Elohim van orde. **Ek sal orde hê om My doelwitte te vervul...**



Elohim het met Roy hulle gedeel oor 'n hegte kring. Dit verteenwoordig verbond en produseer nabyheid en eenheid. Die hegte kring word gevorm voordat daar verby die Goue Reukofferaltaar beweeg word. Aksies (uittrek van skoene, vorm van 'n hegte kring, stilte) is noodsaaklik want geloof sonder werke is dood. Op **6 November 2009**, het Yeshua vir Roy hulle as korporatiewe liggaam 'n aksie laat doen. Hul moes draai as 'n enkel persoon terwyl hul steeds in die stywe sirkel was. Terwyl hulle dit gedoen het, het HY gesê: **“Dit behels die aksie”**. Dus kon hulle insien dat die vorming van 'n hegte sirkel 'n belangrike simboliese handeling as “een persoon” is, in die geestesrealm.

Wanneer ons verby die Reukofferaltaar beweeg, (No. 2 in die prentjie op bladsy 5) dan beweeg ons as een persoon, geen drentelaars! Dieselfde gebeur wanneer die Vergadering eindig. Ons verlaat die vertrek as een persoon. (Elohim beskou die Bruid as “een persoon”. Dit gaan oor ons eerbied as “een persoon” en die Heiligheid van Yeshua.)


Yeshua se agenda (die Nou Weg) in 'n “in Hom” Vergadering:

Wees gereed vir enige iets. Dinge kan skielik verander deur die loop van 'n vergadering “in Hom”. Hier onder volg die prent vir ons gegee vir begrip.

(Elohim het Roy-hulle vir 'n tyd lank vergaderings laat hou op onderstaande manier ter voorbereiding vir wanneer Hy die tempelpatroon aan hul sou toon om van te leer. Hy het geweet hoe om ons deur ondervinding te leer, stap vir stap.)

1. Eers moet ons verby 'n hindernis kom, uitgebeeld aan die onderkant van die prent (regs onder) voordat ons in die Vergadering ‘in Hom’ kan wees. Hierdie ‘hindernis’ was soos 'n versperring en in die outyd moes almal verby dit kom om in die Allerheiligste te kon ingaan. Dit was die Reukofferaltaar. Nou is dit simbolies en waar jy as ‘reukoffer’ die stille offer wat verkry moet word om in Yeshua te kan ingaan. Almal moet, sonder uitsondering!

2. Ons gaan nie met die intrapslag sommer een van die vertrekke binne nie (drie deuropeninge op skets), ons kry instruksies van Yeshua om te weet by watter vertrek om eerste in te gaan. (Vertrekke kan verskillende goed wees, bv. oorlogvoering, musiek, die onbekende, intimiteit met Yeshua, [dalk wil Yeshua vir 'n rukkie net liefde betoon aan sy Bruid], ens.)



Daar was drie ingange en Roy het geweet daar was nog vertrekke met snaakse vorm (nie getoon nie) agter daardie drie ingange. Hulle was almal aan mekaar verbind deur nog ingange, sodat dit moontlik was om van vertrek tot vertrek te beweeg onder Yeshua se leiding. Yeshua dui die vertrek om mee te begin


aan en openbaar dan watter vertrek om in te gaan vanuit daardie vertrek. Omdat alle vertrekke vanuit mekaar toeganklik is deur ingange, is daar geen vasgestelde volgorde of weg nie. Yeshua doen al die rigtingaanwysing. Volg Hom en oorsakelings sal glad verloop vir almal, solank daar geen "eie ek/ego" betrokke is nie. (Onthou die ‘vertrekke’ verteenwoordig verskeie goed soos reeds genoem.)

Waarheid, Foute en Vloei in 'n "In Hom" Vergadering

Reageer korrek teenoor Yeshua in 'n Vergadering. Dit is iets wat aangeleer moet word en moenie ontsteld raak as 'n fout gemaak word nie, soos Yeshua gesê het: **"Moenie 'n ophef daarvan maak nie...."** Vloei is baie belangrik - die Rivier van Lewe vloei deur 'n "In Hom" Vergadering en dit stop nie. Foute na 'n waarheid stop nie die salwing nie, maar eie ek/ego (trots) sal.

6 November 2009. 'n Visioen in die nag deur Roy:

Ek was in 'n vertrek saam met mense en 'n jong meisie wat geestelik gebind was, was regs van my. Ek begin toe praat oor die feit dat dit moeilik kan wees om ons eie geeste van die Heilige Gees te onderskei, aangesien beide geeste is. Ek begin toe uiteensit oor hoe moeilik dit werklik is. Op hierdie punt het ek die meisie, wat deur trots gebind was, gesien vry raak. Ek onthou nie alles wat ek in die visioen gesê het nie, maar ek was besig om te praat oor geestelike vordering in 'n Vergadering en hoe trots mense kan verhoed om te leer. Hulle sal niks sê nie, omdat dit dalk sal bekend raak dat hul gefouteer het. Hoewel ek nie presies onthou wat ek in die visioen gesê het nie, was die meisie met trots eindelik heeltemal bevry. Sy het geglimlag en ek het gevra of sy gereed was om in te gaan, terwyl ek aan haar beduie het om in die Vergadering in te gaan (saam met ons). Sy het geglimlag en opgewonde oor die vertrek begin beweeg na waar ek beduie het. Ek was toe gefokus op daardie deel van die vertrek en het waarheid en foute in die lug gesien hang, redelik naby aan mekaar asof dit vloei of volgorde voorstel. Die volgorde van beweging was van regs na links. Ek sien toe die salwing inkom en beide waarheid en foute omvou. Skielik het ek geweet dat die salwing nie so sou kon kom as trots betrokke was nie. Die sleutel was om nie trots by die vloei betrokke te hê of dit te laat versteur nie.



Die visioen openbaar dat om foute te maak nie die salwing sal keer nie, tensy trots inkom. Vloei in 'n Vergadering is baie belangrik, want sodra jy uit die vloei beweeg is dit moeilik om weer in te kom, as jy enigsins kan. Eie ek/ego of trots is redelik maklik om uit te ken sodra jy besef wat dit is. Van Roy se ander artikels openbaar baie omtrent eie ek/ego. Die "ek" in ons gedagtes; "ek wil praat, of ek wil nie praat nie," wanneer Yeshua gesê het Hy sal sê wat ons moet sê, wanneer om dit te sê, verklap dit. Om die troon te nader terwyl Elohim sê om dit nie te doen nie, is "eie ek/ego", dus trots. Yeshua het gesê, **"Julle sal My hoor wanneer Ek wil hê julle moet My hoor"**. Ons is veronderstel om te luister en paslik te reageer; dit word aangeleer. Yeshua bring self die onderwerp of Agenda, nie ons nie!

Roy sê hy is deur baie vergaderings waar Yeshua niks aan hom openbaar het nie. Dit behoort ons nie te pla nie en om eerlik te wees, is dit 'n wonderlike seën om te sien en deel te wees van hoe Yeshua deur ander mense werk.

'n "In Hom" Vergadering vind plaas in die Hoë Priester afdeling van hierdie simboliese prent.



'n Passie vir MY is Nie Genoeg nie


Subtitels:

**Verfynde Goud – Oortree? – Die Huweliksfees –
'n Judeese Troue – Elke Persoon Heropgelei –
Volkome Verbond – 'n Toneel in die Huweliksfees gelykenis
gedemonstreer – Bruidstrein – Ontstelde Mense**

22 Februarie 2009: Yeshua het vir Roy se groep gesê: "n Passie vir My is nie genoeg nie." "Wat beteken dit?" het hulle gevra. "Getrouheid aan My reëls, My manier van dinge doen."

12 Februarie, 2009 Visioen aan Roy:


Ek het gekyk na 'n groot skare mense. Die grootste skare was links van 'n lyn en hulle was geklee in grys. Aan die regterkant van daardie lyn was 'n skare geklee in goud, met 'n tikkie bruin. Hierdie mense was tussen twee lyne. Aan die regterkant van die tweede lyn was 4 of 5 mense. Hul was in wit geklee en het deursigtig voorgekom. Die mense in goud het oor die lyn beweeg vanuit die mense wat in grys geklee was. Hulle was ontsteld (arms geswaai en so aan) nadat hul uitgevind het dat 'n tweede lyn ook oorgesteek moes word om te wees waar hulle verwag was, in wit.



Hierdie visioen was opwindend omdat die Heilige Gees dit gegee het sodat ons die groter prent kan sien van om oor te beweeg in Yeshua se Koninkryk, in die Getroude Bruid in. Dit laat ons toe om visioene uit die verlede te kan saamvoeg vir 'n duideliker prent van wat nodig is. Ons gaan praat oor die oorsteek van beide lyne en wie die grys, goue en deursigtige mense is.

Soos voorheen gesê, skep die Heilige Gees vir jou 'n beeld wanneer jy deur al die visioene lees. Die visioene openbaar verskillende inligting en vorm 'n klein muurskildery wat die groter prent belig.

Die grys mense is mense wat 'n passie vir Yeshua het, maar wat onwetend hoerery teenoor Hom bedryf. Hulle is dieselfde mense wat jare gelede aan Roy getoon is in 'n visioen terwyl hul besig was om voor te berei vir *die eerste Huweliksfees van die Lam*. In die visioen het Roy voor 'n regeringsgebou gestaan waarin 'n regeringsvergadering sou plaasvind. Hy het drie lang, smal kaartjies in sy hande gehad. Dieselfde skare grys mense was besig om hulle na hom te haas, met passie, begerig om in te gaan. Hy het geweet dat hulle die drie kaartjies nodig gehad het om in te gaan. Hy skeur toe die kaartjies in twee, om ses te maak en sê: "Nou kan ses van julle ten minste ingaan." Dit was die begeerte van Roy se hart dat baie kon ingaan. Maar Elohim was besig om met hom te deel rondom sy houding. Hy het eenvoudig nie verstaan nie. Die drie lang small kaartjies het twee sake verteenwoordig:




1. Die weg is smal. 2. Die afwesigheid van die drie lewensgevaarlike hoof-vlekke op die Liggaam van Yeshua in 'n persoon se lewe. Met ander woorde, om die eerste lyn oor te steek, moet mens ontslae wees van die drie hoof-vlekke. Die vlekke mag nie bestaan in die goue mense afdeling van die prent nie.

Elohim het meer begrip aan Roy gegee oor die visioen van die skare grys mense wat by die regeringsvergadering wou ingaan. Die Heilige Gees het vir hom gewys dat die regeringsgebou in die vorm van 'n Koning se Kroon was. Dit maak die Vergadering 'n Koninkryksvergadering. Op daardie stadium het Roy 'n prent (sien prent van kroon regs) van die gebou gemaak en dit het twee pilare van dieselfde kleur as die twee pilare wat in die eerste *Huweliksfees van die Lam* -vergadering was. (Deure, pilare en vensters is aan die onderkant van die kroon.)




Die hoof toneel is in werklikheid 'n voorstelling van oorgaan: dit beweeg vanaf 'n gevlekte Gemeente in die *Koninkryk van Elohim* in.



Onthou: In die Oorgaan afdeling, die toneel wat demonstreer hoe iemand 'n tou moes vat en homself optrek tot by die end van die oorgangsbrug voordat hulle kon begin oorgaan tot in die Koninkryk! Dit hou verband met die feit dat 'n persoon ontslae moet wees van die drie vlekke – wat moeite verg – voordat hulle die eerste lyn kan oorsteek tot in die goue mense afdeling van die prent. Die tou hang af tot in die grys mense afdeling sodat hulle kan opklim. (Sien prentjie op die vorige bladsy) Al hierdie dinge gaan nie oor redding tot die ewige lewe nie; dit gaan oor die ingaan in Elohim se Koninkryk en waarom Hy gesê het: “**n Passie vir MY is nie genoeg nie.**” Wat het Hy bedoel? Dit: “**Getrouheid aan MY reëls, MY manier van dinge doen.**”


Nog 'n prentjie wat ons in hierdie groter prent moet sien, is *Yeshua se Opleidingskamp*. Opleidingskamp begin met die ontslae raak van die drie hoof vlekke. Om in te gaan in die Goue Vergaderings en die Goue Mense afdeling is noodsaaklike stappe na suiwering. Die hou van 'n *Vloediagram* en gehoorsaamheid aan Elohim sal die suiwering voortsit wat Hy in iemand se lewe wil hê, hetsy dit oor Vergaderings, fusie, of hulle alledaagse lewe gaan. Op hierdie wyse is dit Yeshua se suiwering, nie 'n mens s'n nie. Die Goue Nou Weg is in die prentjie geplaas omdat 'n persoon daarop moet wees om waarlik deur Yeshua gesuiwer te word. Yeshua het reeds openbaar dat die *Korporatiewe Vloediagram* in die middel van die *Goue Nou Weg* lê, dus is dit 'n noodsaaklike komponent van oorgaan in die Koninkryk in.




Verfynde Goud

As goud gelouter word, word dit deursigtig en meer soos glas. Die pyl in die vorige skets met goud wat witter word is daar geplaas om dit voor te stel. Dus kan ons in die skets sien dat hoe meer suiwering mense ondergaan, hoe meer wit en deursigtig word hulle, soos Roy die vier of vyf mense beskryf het wat reeds die laaste lyn aan die regterkant oorgesteek het.

Die Heilige Gees het reeds tevore oor goue mense wat die lyn oorsteek na die Getroude Bruid aan Roy gewys. Hy het net nie verstaan nie. Hy het tevore 'n prent gemaak met 'n vierkant wat die Bruid in die boonste linkerhoek van 'n reghoek uitbeeld, om te verduidelik dat die Bruid 'n *Huweliksfees Vergadering* anders binnegaan as die gaste.



Visioen wat Roy op **17 Desember 2008** gehad het: Ek het 'n visioen gehad van 'n speelstuk ('n voorwerp) en 'n vrou wat daarmee gespeel het, wat nie die einde (van die spel) kon bereik om te wen nie. Daar is meer hieraan verbonde, maar in die toneel het 'n prent van dieselfde voorkoms as hierbo op die speelstuk voorgekom en ek het dit óf in my hande gehad, óf dit het voor my in die lug gehang. Die vierkantige blok was soliede goud waar die Bruid was en daar was bruin lyne oor die gaste-deel soos aangetoon hier langsaan. Die goud met bruin lyne was presies dieselfde kleure as die Goue Mense wat ek in hierdie huidige visioen uitgebeeld gesien het. Toe sien ek 'n stuk, soos van 'n legkaart, wat oor die gaste-deel van die visioen gekom het en die gaste net soos die Bruid-vierkant (goud) maar sonder die bruin laat word. In die visioen het ek gedink dit was nie veronderstel om te gebeur nie, maar in my verslag het ek geskryf dat ek dit moes laat gebeur. Ek het bloot nie verstaan dat Elohim almal in die Goue en Grys Mense se afdelings wou laat oorbeweeg na die Wit Deursigtige Mense se afdeling nie. Ek het gedink dat die gaste, gaste sou bly vir die Bruid en Yeshua, maar in werklikheid is hul veronderstel om ook deel te word van die bestaande bruid. Dit is iets wat aangeleer moet word en die rede vir die Opleidingskamp.



Ek het hierdie visioen nie werklik verstaan totdat ek die visioen van die grys, goue en wit mense gehad het nie. Dit is 'n voorbeeld van om 'n tweede “saak van die Gees” te moet hê sodat jy in staat kan wees om die eerste “saak van die Gees” wat gegee is, te verstaan. Die Bruid van Yeshua sal *Wit Deursigtige Mense* wees soos die Heilige Gees uitgebeeld het.

In Openbaring het 'n engel aan Johannes die Bruid, die vrou van die Lam getoon: **Openb 21:9-14** *En een van die sewe engele wat die sewe skale gehad het, vol van die sewe laaste plae, het na my gekom en met my gespreek en gesê: Kom hierheen, ek sal jou die bruid toon, die vrou van die Lam. En hy het my in die gees weggevoer op 'n groot en hoë berg en my die groot stad getoon, die heilige Jerusalem, wat uit die hemel van Elohim neerdaal; en dit het die heerlijkheid van Elohim gehad, en sy lig was soos 'n baie kosbare steen, soos die kristalhelder jaspissteen. En dit het 'n groot en hoë muur met twaalf poorte gehad, en by die poorte twaalf engele, en name daarop geskrywe, naamlik dié van die twaalf stamme van die kinders van Israel. Aan die oostekant was daar drie poorte, aan die noordekant drie poorte, aan die suidekant drie poorte, aan die westekant drie poorte. En die muur van die stad het twaalf fundamente gehad, en daarop was die name van die twaalf apostels van die Lam.*


Die groot stad is 'n simboliese prentjie van Yeshua se Vrou. Dit openbaar hoe gesuiwer Sy is. Hier is twee skrifgedeeltes rakende die groot stad wat praat van suiwer goud, soos helder glas:

Openbaring 21:18 *En die boustof van sy muur was jaspis, en die stad was suiwer goud soos suiwer glas.*

Openbaring 21:21 *En die twaalf poorte was twaalf pêrels; elkeen van die poorte was uit een pêrel, en die straat van die stad was suiwer goud soos deurskynende glas.*

Wie is die mense aan die regterkant wat vroeër beskryf is, in wit geklee en deursigtig? As gevolg van die Skrifgedeeltes wat openbaar dat Yeshua se Vrou soos suiwer goud is, soos helder glas, is hulle duidelik die Getroude Bruid, die Gesuiwerde Bruid.

Wat het hulle bereik? Vir sommige van die antwoorde moet ons kyk na wat die Heilige Gees gesê het in Grapeland Texas, op 11 Desember 2008. Dit was ure voor Roy die oorspronklike groot toneel waarvan ons praat, ontvang het. Dit verklaar waarom Yeshua so dikwels die Allerheiligste aangehaal het en die suiwerheid wat verlang word.



Oortree?

"Oortree, julle sal nie oortree nie." "Oortree waar?" het hulle gevra. "ALLERHEILIGSTE. (Dis) net vir die Hoëpriester." "Wie is die Hoëpriester?" "Hulle wat gehoorsaam is (hulle wat gehoorsaamheid bereik het)." "Verskil die Hoëpriester van die Bruid?" "Ja. Die Bruid werk hard aan gehoorsaamheid/perfeksie deur liefde en aanbidding; die Hoëpriester deur wetlike verantwoordelikhede." "Is Yeshua die Hoëpriester?" "Ja." "Maar HY is ook die Bruidegom?" "Ja, (Hy) kan albei wees (HY of die Priester kan ook 'n Bruidegom wees.) Yeshua is perfeksie."


Hierdie inligting openbaar 'n gedeelte van die prent. Vir iemand om dwarsdeur Yeshua se Opleidingskamp te gaan tot in volmaaktheid, moet hulle 'n groot hoeveelheid **liefde en aanbidding** vir Yeshua hê! Die deursigtige mense het tot die "onmiddellike gehoorsaamheid" gekom waarvoor Yeshua van die begin af met Roy hulle gepraat het. Die mense in wit het die graad van gehoorsaamheid bereik wat deur Yeshua vereis word vir hulle om om te sien na die **wetlike verantwoordelikhede** van die Getroude Bruid. Sy het 'n plek van gesag in Elohim wat niemand anders het nie. Saam met daardie outoriteit kom verantwoordelikheid.



Dus sien ons dat dit waarvan ons hier praat ernstig is. Op **11 Maart 2009**, het Yeshua in Atlanta, GA, gesê: "**Daar is 'n spesiale plek vir MY Bruid waar niemand (anders) kan ingaan nie.**" Dit beteken vriend of vyand kan nie daar ingaan nie en dit is deel van die beeld van die komende beskerming waarvan Elohim praat.


Die deursigtige mense aan die heel regterkant in die Allerheiligste het hulle wil volkome aan Yeshua oorgegee. Die mense in die goue afdeling leer nog om dit te doen. Die mense aan die heel regterkant vervul die wet van offerhandes op 'n baie hoë vlak. Die mense in die goue afdeling leer nog om dit te doen. Wanneer 'n persoon by 'n land se militêre opleidingskamp aansluit, begin die weermag daardie persoon forseer om sy wil aan die weermag te onderwerp. Dit is werklik 'n aangeleerde saak om 'n land op daardie manier te dien. Dit is dieselfde in *Yeshua se Opleidingskamp*. Hy sal niemand forseer om aan te sluit nie, maar om Hom te dien moet ons van "eie ek/ego" ontslae raak, Sy weë leer en in hulle wandel. Ons moet onmiddellike gehoorsaamheid leer. Dit bring ons terug na: "**n Passie vir MY is nie genoeg nie.** Wat beteken dit? "**Getrou bly aan MY reëls, MY manier van dinge doen.**" (Sy opleiding!)

Let op Hy het gesê: "**Getrou**", dus sien ons dat iemand standvastig moet wees in Yeshua se weë. Dit bring ons terug na die belangrikheid van *Yeshua se Opleidingskamp* sodat dit in ons ingegraveer word.



Die Huweliksfees

Die *Huweliksfees van die Lam* is 'n Goue Regerings Vergadering in die *Koninkryk van Elohim*, wat in die Vierde Dimensie plaasvind, die geestesrealms. Die Koning, Yeshua self, lei die Vergadering. Dus voeg ons die simboliek van die *Goue Vergaderings*, waar die Koning se Kroon heerskappy verteenwoordig, sowel as die Huweliksfees, by die prent regs vir groter duidelikheid.



'n Judese Troue

Die *Getroude Bruid* is natuurlik in die heel regterkantste kolom wat die Allerheiligste verteenwoordig. Kom ons kyk dus na die besonderhede van 'n Judese troue om te sien hoe dit in die prent pas. Die Heilige Gees het aan Roy openbaar dat die Liggaam van Yeshua moet ontslae raak van die drie hoof, lewensgevaarlike vlekke sodat hulle die bruidsrok kan aantrek. Dit pas by die patroon van 'n Hebreeuse troue.

Die vrou gaan deur 'n reiniging ter voorbereiding vir die troue. Dus sien ons dat die trourok op 'n stadium reeds in die goue mense afdeling aangetrek word. Ons deel die volgende datums en gebeure tydens Roy hulle se Goue Vergaderings met jou sodat jy die tydsverloop kan sien tussen die aantrek van die rok en die eintlike troue soos wat dit deur die fases beweeg het. Yeshua het 'n prentjie geskilder soos wat die groep van Roy hulle deur hierdie stadiums beweeg het. Dit is wat in elke eenheid wat in Yeshua inbeweeg gaan gebeur.

Op **27 Junie 2003**, was die trourok deur hul wagter gesien.

Op **29 Junie 2003**, was dit openbaar dat die rok hulle as 'n gemeenskaplike liggaam oordek het.

Op **2 Junie 2004**, was dit openbaar dat daardie gemeenskaplike liggaam van Roy hulle die sluier aan het.

Op **27 Oktober 2004**, het 'n siener gevoel hoe 'n ring met Hebreeuse skrif aan haar vinger geplaas word. Dit was asof meer as een persoon dit aangehad het.

Op **31 Oktober 2004**, was dit openbaar dat die Hebreeuse skrif aan die ring "**My geliefde**" gelees het.


Op **14 Desember 2004**, was die Bruid se skoen gesien en hul was wit oprygstewels (beslis 'n teken van krag).

Op **31 Desember 2004**, is aan hulle die woord "**Bruidskat**" gegee.

Op **23 April 2005**, soos deur Yeshua opdrag gegee, het die simboliese eerste *Huweliksfees van die Lam* plaasgevind in Roy hulle se eenheid.

Selfs die datum was bepaal deur Vader self sowel as die hele opset van die fees. (Onthou, dit het die stel voorberei vir die tweede en ware Fees.)

Ons het die datums aangedui sodat jy die tydsverloop kan sien tussen **die aantrek van die rok** en **die werklike troue**. Dus kan ons mettertyd voorbereiding by die prent voeg. Dit is alles opleidingskamp opleiding. Ons moet verstaan dat die Bruid opgelei moet word om in staat te wees om korrek te beweeg saam met Yeshua as 'n korporatiewe liggaam.



Elke Persoon word heropgelei

Ons voeg hier 'n toneel uit die *Deur die Vuur* artikel want die mense in wit in daardie toneel het te doen met die mense in wit, wie deursigtig is in hierdie oorgaan toneel.

8 Oktober 2005 – Roy Vertel:

...Die hoofinstrukteur ('n dokter, ook in fyn linne) was besig om met my te praat oor die manne en **het hul selfs een vir een uitgewys**, beginnende by die hoek links agter soos hy gepraat het. Hy het gesê dat elke man korrek moes leer wat om te doen; dat hul almal verkeerd opgelei was; dat nêrens in die wêreld die opleiding korrek gedoen was nie. **Hy het beklemtoon dat elke persoon individueel heropgelei moes word.** Toe het Hy individue aan my uitgewys om seker te maak dat ek verstaan. Ek het geweet dat hierdie dokters enigiets wat opduik, ek bedoel enigiets, sou kon hanteer.



Jy kan sien waarom die toneel van 2005 'n beligting is op die oorgangstoneel en wat met 'n individu moet gebeur: Heropleiding! Is dit die moeite werd? Beslis, kyk na die laaste sin: *Ek het geweet dat hierdie dokters enigiets wat opduik, ek bedoel enigiets, sou kon hanteer.* **Yeshua het openbaar dat elke persoon heropgelei moet word om in die Getroude Bruid te kan wees!**

Nou kan ons sien waarom Yeshua jare gelede aan Roy gesê het dat hy (Roy) dit dalk nie sal maak nie. Hy het verwys na die *Getroude Bruid van die Messias!*

Volkome Verbond


Gedurende die uitbeelding van die eerste Huweliksfees van die Lam (die voorloper van die werklike fees – in opdrag van Yeshua) het Yeshua aan Roy hulle opdrag gegee om sekere dinge te proklameer. Een van hulle was: **"U gaan U Bruid beskerm teen die oordele wat op die aarde kom."** Dit het te doen met die mense wat in goud geklee was en beslis ook die mense in wit geklee.

Jare gelede het Yeshua aan Roy 'n voorbeeld van verbond gegee en gesê, **"Daar is 'verbond' en daar is 'volkome verbond'."** Die uitbeelding van wat hy gesien het is soos op die skets langsaan aangetoon. Hy kon geen verskil sien tussen die twee nie, maar die een was **"verbond"** (die Goue mense) en die ander (die wit deursigtige mense) was **"volkome verbond"**.



Volgens wat die Heilige Gees in die verlede aan Roy gewys het, sou die **"verbond"** beeld in die Goue Mense afdeling geplaas word en die **"volkome verbond"** beeld in die Wit Deursigtige Mense afdeling.

In die beskermingsafdeling van die videos getuig Roy van toe die Heilige Gees vir hom gesê het dat as hy in verbond wandel en die “sake van die Gees” navolg, kan hy dieselfde beskerming geniet as wat Yeshua gehad het. Yeshua se beskerming kom deur in “**totale verbond**” te wees. Dit illumineer die verskil tussen “**verbond**” en “**totale verbond**”, wat meer openbaar van die wit deursigtige mense en wat dit verg om in daardie afdeling te wees. Die Liggaam van Yeshua behoort daarna te streef om in genoemde afdeling te wees deur 'n **behoefte** om Yeshua



volkome te dien en om beskerming te geniet teen die oordele wat op die aarde kom, soos Roy-hulle beveel was om te verklaar: “**U gaan U Bruid beskerm teen die oordele wat op die aarde kom**”.

Op **11 Maart 2009, in Atlanta** het Yeshua gesê: “**Daar is 'n spesiale plek vir MY Bruid waar niemand anders kan ingaan nie.**” Op dieselfde datum in Grapeland TX het Hy verskeie woorde gegee: “**Heilige Vaders**”. Hulle het gevra: “Wat daaroor?” Hy het geantwoord: “**Gedisiplineerd.**” “**Gehoorsaamheid, gehoorsaamheid, gehoorsaamheid.**” “**Troue.**” Hulle het gevra: “Wat daaroor?” Hy het geantwoord: “**Komende in die toekoms.**” “**Heilige Vaders gedisiplineerd.**” “**Wettig.**”


Roy het vir jare gerapporteer: dat die Vlekkelose Bruid van die Messias 'n wetlike aspek is, dat die huwelik op aarde plaasvind en dat die verskil tussen 'n hoer en 'n vlekkelose Getroude Bruid in hul dade lê, in beide onwettige en wettige dade. Daar is 'n wettige manier om te styg tot in 'n Huweliksfees van die Lam Vergadering.

Demonstrasie van 'n toneel in die Huweliksfees gelykenis:


Roy vertel hulle het 'n persoon in hul groep ingelaat van wie hulle gou agtergekom het nie op die Goue Vloer wou loop nie. (Die Goue Vloer het te doen met mense wat seker maak dat hulle elke dag die drie hoof-vlekke uit hul lewens hou.)

In die visioen het Yeshua gesê: “**My mense moet aandag gee; hulle moet konstant bewus wees van die drie vlekke en wat dit is, of hul sal daarvoor val.**”

Dit was kort daarna deur Yeshua openbaar, deur die “sake van die Gees”, dat hierdie persoon nie in verbond was met Hom nie.



Dus sien ons nou die beeld van 'n persoon in die Vergaderingsafdeling van die prent regs wat hul vlekke van hoerery by 'n Goue Vergadering ingebring het. Onthou, die 'vlekke' is verkeerde dade wat simbolies deur klere verteenwoordig word. 'n Persoon moes die verkeerde patrone van die drie vlekke gekorrigeer het om die trourok te kan aantrek. Hierdie persoon is nie korrek geklee nie, net soos die persoon in die gelykenis van die Huweliksfees (sien Mat. 22:11-13 hier onder) nie korrek geklee was nie en wie Elohim beveel het moes uitgewerp word. Die korrekte klere vir die fees is die bruijlofskleed.



Mattheus 22:11-13

En toe die koning ingaan om na die gaste te kyk, sien hy daar iemand wat nie 'n bruijlofskleed aan het nie. En hy sê vir hom: Vriend, hoe het jy hier ingekom sonder 'n bruijlofskleed aan? En hy kon geen woord sê nie. Toe sê die koning vir sy dienaars: Bind sy hande en voete, neem hom weg en werp hom in die buitenste duisternis. Daar sal geween wees en gekners van die tande.

Yeshua het vir Roy later nog "sake van die Gees" gegee, 'n visioen van 'n persoon wat op die verkeerde wyse ingekom het. Hierdie persoon het gesterf as gevolg van die krag van Elohim, wat te doen het met die ingaan in die Allerheiligste (die heel regterkantste kolom in die boonste prentjie) en ook die visioen van die gang in die *"Ek Het Die Allerheiligste en Doel Gesien!"* afdeling. Roy het geweet dat Yeshua besig was om te openbaar dat die persoon met die vlekke op die verkeerde manier in Roy hulle se liggaam (groep) ingekom het, net soos in die gelykenis van die Huweliksfees.


Vader het al geruime tyd vir hulle gesê dat hul een liggaam is. Rakende die onderwerp van die vlekke wat hulle gemeenskaplike liggaam binnekom, het Hy vir Roy eindelik 'n "Liggaam van die Messias" wat uitgelê is getoon. Hy kon die hoofslagaar sien. Hy het 'n persoon binne-in die slagaar gesien, in die bloed en was aangesê dat dié sou moes uit soos hy ingekom het, omdat die bloed (bedoelende verbond) vergiftig was. Roy het geweet dat die simboliek wat gegee was van hierdie persoon in die bloed in die slagaar, gefokus het op die probleem met dié spesifieke persoon wat hulle in die Vergadering gehad het (met die vlekke en sonder 'n bruijlofskleed). Dit beteken die verbondsposisie van hulle korporatiewe liggaam was nie meer korrek nie; as 'n liggaam was dit nie meer in verbond met Yeshua nie. Die liggaam was nie meer suiwer nie, dus kon hulle nie ingaan nie en het hul nie in Hom ingegaan soos hulle veronderstel was nie. Jy mag doodeenvoudig geen onreinheid in Yeshua inneem nie. Dit is nie wettig nie!

Waarom is hierdie belangrik om te verstaan? Yeshua trou met 'n **korporatiewe liggaam** (nie individue nie) wat gesuiwer is van vlekke. Daardie korporatiewe liggaam moet "in Hom" wees en Hy in daardie liggaam. Onthou, in 'n huwelik word die twee een. Omdat Hy Heilig is moet ons as 'n korporatiewe liggaam rein wees om in Hom in te gaan, net soos die priesters rein moes wees as hulle in Hom ingegaan het in die Allerheiligste. Hierdie is nie 'n enkel persoon saak nie, dit is 'n verskeie-persoon saak, 'n korporatiewe saak.

Roy het mettertyd opgemerk dat hulle nie Koninkryksbelewensisse gehad het soos die geval was voor hierdie persoon by hulle aangesluit het nie. Hy het aan die groep gesê dat dit voorkom asof hulle soms terug is by Heilige Gees Vergaderings, al was hulle stil en het hulle instruksies van Yeshua gekry in 'n Goue Vergadering atmosfeer. Yeshua het hulle een keer in 'n vergadering vertel dat wat hulle in geestelike oorlogvoering gedoen het (wat wel oor koninkryksake was), slegs kon gebeur voor die persoon se koms. Hierdie onbehoorlik geklede persoon was nie by die vergadering waar Yeshua dit gesê het, teenwoordig nie, maar elders, besig met dit wat Yeshua beveel het om te doen. Dus het die vergadering anders verloop tydens sy afwesigheid. Yeshua sê nooit enigiets sonder 'n doel nie en Hy wou hê hulle moes verstaan wat aangaan.

Moenie verkeerd verstaan nie; Yeshua is lief vir hierdie persoon, maar dit is 'n wetlike kwessie in die geesteryk en pas by wat Yeshua sê: **"n Passie vir MY is nie genoeg nie."** Wat beteken dit? **"Getrou bly aan MY reëls, MY manier van dinge doen."**

Deur dit alles was Roy-hulle besig om 'n groot les van Yeshua te leer in verband met Sy heerskappy en die nodige suiwerheid van Sy Koninkryksvergaderings! Elohim kan eenvoudig nie met 'n hoer uitrig wat Hy die wettige reg het om te doen met Sy Wettige Bruid nie.




Yeshua het vir Roy hulle gewys dat hulle eers die onbehoorlik geklede persoon sou moes verwyder voordat hulle kon voortgaan met Hom. Die eerste vergadering sonder daardie spesifieke persoon het bewys dat hulle ongetwyfeld nie tevore Koninkryksake Vergaderings gehad het soos hul veronderstel was nie, want skielik was die vergaderings weer splinternuut. Tydens daardie Vergadering het Yeshua hulle gemeenskaplike geestelike oorlogvoering laat doen wat 'n Bybelse gebeurtenis in Sy Koninkryk sou wees. Dit kon slegs gebeur het deur Sy vleklose Bruid! Hy het die punt bewys wat Hy deur ons gemaak het, sowel as om ons vir Koninkryks-doeleindes te gebruik.

Om 'n onvanpas geklede persoon uit ons midde te verwyder op die instruksie van Yeshua was nie vir my of diegene hier by ons groep 'n aangename saak nie. Maar toe ons sien hoekom, het ons verstaan dat dit moes gebeur!

Nou weet ons deels hoekom ons deur al hierdie dinge gaan: sodat Yeshua ons die riglyne kan gee vir Sy Opleidingskamp op die Heuwel wat Elohim noem: "die Plek".

Bruidstrein

Nog 'n prent wat Yeshua oor die jare vir Roy gegee het is die verbonde met betrekking tot Vleklose Bruidstrein. Jy bestyg die Bruidstrein in die Goue Mense se afdeling, nie in die hoer se grys mense afdeling nie. Die trein bied 'n parallele beeld wat openbaar dat daar wetlike vereistes is wat nagekom moet word om op die Vleklose Bruidstrein te wees. Hier is die visioen wat dit openbaar, soos in daardie afdeling gerapporteer: **Visioen:** *Ek (Roy) was in 'n skuur, geklee in 'n kondukteursuniform. Ek was die kaartjie kollekteerder, die een wat nagegaan het om te sien wie geskik was om die trein te mag bestyg. Die kaartjies was nie die gewone kaartjies wat jy sou koop om trein te ry nie. Hulle was soos kredietkaarte, maar in werklikheid lisensies. 'n Lisensie is anders as 'n kaartjie want vir 'n lisensie moet jy 'n toets skryf om te bewys dat jy geleer het wat vereis word om die lisensie te bekom. Ek was die een wat die kaartjies nagegaan het omdat ek geweet het wat die lisensie-vereistes was om die trein te mag bestyg.*




Ontstelde Mense

Jare gelede, omtrent die tyd van die uitbeelding van die eerste Huweliksfees van die Lam, het Yeshua vir Roy 'n visioen gegee van 'n groep baie ontstelde manne wat geklee was om te trou. In die visioen het hy die vertrek binnegegaan; hulle het opgestaan en was baie kwaad vir hom omdat hy gesê het dat hul iets moes doen om te kan trou. Hulle het gewag vir die huwelik om net outomaties plaas te vind, soos met 'n klap van die vingers. (Hierdie visioen het te doen met die oorsteek van die eerste lyn.) Ook, op dieselfde stadium, het die Heilige Gees aan Roy die visioen van Goue Mense gegee wat ontsteld was toe hul uitvind dat hul die tweede lyn moes oorsteek.

Deur die jare het mense aan hom vertel hoe hulle glo dat hul deur geloof deel van die Bruid was. Kan jy jou voorstel die Hoëpriester wat staan voor die Allerheiligste en sê: "deur geloof is ek gereinig" en dan in Yeshua inloop? Kan jy hierdie selfde toneel insien met 'n onrein Bruid? Weer eens is ons terug by die opskrif van hierdie artikel. Hy het gesê: **"n Passie vir MY is nie genoeg nie.."** Wat beteken dit? **"Getrouheid aan MY reëls, MY manier van dinge doen."**

Die Bybel praat van gereinig word en Elohim bedoel "gereinig word," sodat ons in Hom kan ingaan en een word in die huwelik. Dit het ook te doen met: die "Een Nuwe Mens," die Nuwe en Ou Testamente wat saamsmelt en hoekom Yeshua vir Roy gesê het om mense aan te sê om hulle oë op Bruidskap te fokus.

Die volgende prent is geskep met die meeste simboliek wat te doen het met elke deel van die visioen. Die inligting deur elk verskaf is relevant tot die geheelbeeld wat Elohim oordra.



Goue “In Hom” Vergadering, met Elemente - Die Diepte daarvan

Waskom: No. 2 in the prentjie hier onder – Die Diepte daarvan


(Die Waskom met spieëlagtige afwerking en wat water hou, was gebruik deur die Priesters om hulself te reinig sodat hulle by die Tempel kon ingaan. Dit was vir hulle soos ’n wet.)

Roy aan die woord: Die volgende mag belaglik voorkom vir die vleeslike verstand, maar in die geesteryk is dit werklikheid. Die geesteryk beïnvloed die fisiese wêreld en die fisiese wêreld beïnvloed die geesteryk. Geloof sonder ’n daad is dood en deur geloof hou ons vergadering met Yeshua wat plaasvind in die vierde dimensie, in Sy Koninkryk. Soos wat jy verder lees, sal jy vind dat Vader bewys lewer hiervan.

Nadat almal vergader en hulle skoene uitgetrek het, sit ons vir ’n wyle en luister na Yeshua vir enige spesiale opdrag. Hy mag ’n lied gee vir ons om te sing, of ’n ander opdrag. Dan vorm ons staande ’n sirkel (raak nie aan mekaar nie) en deel met ’n sagte stem enige iets wat Yeshua openbaar het om te doen.

As Hy ’n liedfrase gegee het, moet die persoon wat dit ontvang het dit begin sing en almal almal daarby inval. Sing die frase, maar niks meer nie, tensy Yeshua openbaar dat dit gedoen moet word. Moenie deur jou eie gees meer doen as wat Yeshua wou hê nie. Soms versoek Yeshua dat op die ramshoring geblaas word. Soms dui Hy aan dat hy absolute stilte verlang, selfs gedurende die wassery. Dit gaan alles daaroor om na Hom te luister en te gehoorsaam.

Daarna dank ons Yeshua vir Sy waskom wat onsigbaar is (soos in ’n kind se verbeelding) op die vloer in die middel van die kring. Terwyl ons Yeshua dank vir Sy waskom (soms voeg ons iets by wat Hy gedoen het) begin ons die simboliese wasbewegings maak asof ons was met Sy water en met Sy Bloed





Yeshua het ons aangesê om tussen ons vingers te was, asook alles anders, behalwe ons rûe, omdat ons nie ons eie rûe kan was nie. Hierna draai almal regs en was die persoon langsaan se rug met die onsigbare water/Bloed uit Yeshua se waskom. Dit is alles

simbolies, maar **dit is werklikheid in die geesteryk**. Dit is nie 'n lang proses nie, dus is dit nie nodig om te haas nie.

Ons het geleer om dit elke keer te doen en nie slegs wanneer ons Yahshua hoor sê om by Sy waskom te was nie. **Yeshua is heilig en ons kan Hom nie binnegaan en Hy nie ons nie, tensy ons Hom toelaat om ons te reinig**. Yeshua het meer as eenkeer dit met ons opgeneem om die hoeke van ons hart te reinig. 'n Manier om 'n beter prent van sonde te hê en die noodsaaklikheid om Yeshua se waskom reg te gebruik voor 'n vergadering, is in die volgende getuienis:

Jare gelede het Yeshua my om vergifnis laat vra vir my sondes tot op hierdie presiese oomblik. Ek het dit gedoen, maar my nuuskierigheid het my naderhand ingehaal, want ek kon nie dink aan 'n sonde wat ek sou gedoen het in die laaste minuut nie, wat nog te sê die laaste sekonde, dus het ek Yeshua gevra waarom? Hy het gesê: "Die einste lug wat jy inasem is vol sonde." Hier is 'n prent wat Yeshua gegee het oor suiwerheid:


11 Junie 2012

Ek openbaar dinge wat onbekend is vir My geliefde. Suiwerheid, heiligheid. Meeste het geen begrip van suiwerheid. Suiwerheid van gedagte, suiwerheid van daad, suiwerheid van aksie, suiwerheid van motief. Suiwerheid in alles. Woorde wat geuiter is bevat dit, dink daaroor. Ek sien waarheid van motief, dink daaroor. Ek suiwer my Beminde. Krag onbekend aan die wêreld is tot My geliefde se beskikking. Sy moet suiwer, rein en heilig wees. Afgesonder vir My, Yeshua. Ek openbaar areas wat suiwering nodig het. Wandel in alle suiwerheid. Wees nie ontmoedig nie, wees bemoedig. Hulle ware toestand moet eers bekend wees om hul ware nood te kan bepaal. Ek het lief in suiwer waarheid. Die waarheid, My waarheid, sal gevangenis bevry. Ek het jou lief.

Dit gee 'n vlugtige blik op die belangrikheid daarvan om onself te reinig voordat ons 'n vergadering het met Yeshua in Sy Koninkryk. Die waskom proses word ook gedoen voor 'n Oordeelsvergadering. Nou is ons klaar met die Waskom en totale stilte is die sleutel om Hom te kan binnegaan in die volgende stap.

Heilige Plek: (no. 3 in die skets) Die Diepte daarvan

Roy gaan voort: Beweeg van die Waskom in enkel ry tot in die Heilige Plek (no.3) waar weer kring gevorm word, sonder om aan mekaar te raak. Ons staan in stilte vir 'n kort rukkie. Onthou: Yeshua het gesê stilte is nodig, want Hy is Heilig.



Die *Heilige Plek* is 'n plek van stilte wat ons binnegaan en hopelik besef almal die belangrikheid van iets wat gaan gebeur.

Nou word die los kring dig gemaak soos in die foto hier onder. Jy hou nie aan die persone langs jou vas nie, maar jy hou aan beide arms van die persone langs hom of haar vas, soos aangetoon. 'n Nou kring is nodig as 'n bevestiging van die korporatiewe liggaam se eenwording (word een persoon).



Yeshua sê twee word een in 'n huwelik en ons moet verstaan dat een persoon, d.w.s. die korporatiewe liggaam as een persoon, Yeshua binnegaan. Een persoon het Elohim binnegegaan in die Allerheiligste in die tempel.

Hier is 'n baie belangrike beginsel om te verstaan: Nadat die groep 'n nou kring gevorm het om een persoon te vorm, **moet die groep stilte handhaaf as daardie een persoon.** Dit kan tyd in beslag neem.

Wat gebeur? Dikwels is **Yeshua deur verskeie persone opgemerk met Sy arms om die groep, in Sy liefde vir hulle.** Jare gelede, toe Yeshua die eerste keer met Roy begin het oor vergaderings, het hy Hom gevra wat so belangrik was oor vergaderings? Yeshua het gesê: **"Ek het nog nie 'n vrou gehad wat Ek kon bemin nie!"** Dit was wat Yeshua gedoen het toe Hy gesien is met Sy arms om almal in die kring. Miskien doen Hy dit elke keer wanneer kring gemaak word om een persoon te vorm in die vierde dimensie, al sou ons Hom dalk nie sien nie!

Yeshua het Roy-hulle geleer dat 'n emosie wat hulle moet toon terwyl hul in die kring is, is **"vurige liefde."** Terwyl hulle stilte skep as een persoon, moet hul ook **"vurige liefde"** skep. Roy het dit nie heeltemal verstaan nie, tot hyself eendag in die kring was en 'n visioen gehad het van 'n man en sy vrou wat mekaar omhels in vurige liefde. Dit was toe dat hy besef het Yeshua verlang dat hulle Hom ook moet vurig liefhê soos wanneer Hy hulle in die kring as een persoon vurig liefhet. Hulle het ondervind dat Yeshua hul bedank het oor hul Hom toegelaat het om aan hulle liefde te betoon. Hulle het dit ook beleef dat Yeshua hul bedank het oor hulle vergadering hou! Dit skakel in by Sy woorde: **"Geen vergadering, geen Bruid!"**

Volgende is 'n belangrike aksie deur die groep nadat hulle simbolies een persoon geword het: Nadat stilte geskep is deur die groep as een persoon, moet die stilte geoffer word aan Yeshua. Hulle het 'n aksie ontwikkel waartydens almal as 'n groep gelyktydig hande ophef met die palms na bo.

Die wagter draai eenvoudig eerste haar handpalms na bo om die stilte te offer. Hierdie aksie gebeur dan in die hele kring in stilte, want almal weet wat besig is om te gebeur, dus is daar eenheid in die stilte-offer. Yeshua het hulle by geleentheid bedank vir die offer van die stilte wat hul geskep het.


Hierdie offer van stilte verwys na die “Reukoffer altaar” waarby die Priester moes verby om die *Allerheiligste* te kon ingaan. As jy die ander gedeeltes gelees het oor *Goue Vergaderings* en die *Allerheiligste*, weet jy die reukoffer is die stilte. Daarom, nadat stilte geskep is soos deur een persoon, moet dit geoffer word met ’n sekere aksie voordat die Allerheiligste ingegaan word, wat ingaan in Yeshua beteken – nes dit in die Ou Testament gebeur het. Moenie vergeet nie, dat stilte ook oorlogvoering is, soos openbaar in vorige geskrifte.

Allerheiligste of Troonkamer (No. 5 in bostaande skets)

Wanneer die plek binnegegaan word waar ‘In Hom’ vergaderings gehou word, word die stoele geplaas in rye soos op die prentjie. Militêre tipe aksies word uitgevoer, want Elohim is ’n Wese van orde en dit is ‘een persoon’ wat die Troonkamer ingaan met die Allerheiligste-atmosfeer.



Daar word in Yeshua ingegaan net soos die priesters in die tempel gedoen het. Daar word met die rye stoele, soos regs uitgebeeld, langs beweeg, in enkel gelid. Dan word gewag tot almal voor hulle stoele staan, ook dat die persoon wat Wagter is, plek ingeneem het voor Yeshua. Die Wagter posisie mag nie gevul word nie, tensy Yeshua iemand in die groep opgerig het om dit te doen. In plaas daarvan moet pen en papier deur almal besit word om enige iets aan te teken wat Yeshua jou gee terwyl jy voor Hom sit.



Die tempelatmosfeer in die Allerheiligste was stilte. Die tempel het mure gehad, maar nou het Yeshua bekendgemaak dat ons dieselfde atmosfeer kan skep sonder mure en in Hom as een persoon vergader, nes die priester van ouds gedoen het. Dit is ’n tempel sonder mure, ’n troonkamer sonder mure.

Soos aangedui in die vergaderingsboek, het Yeshua gepraat oor die oorgaan in die Koninkryk van Elohim in die geesteryk en dat dit inspanning verg. Yeshua vergelyk die proses om oor te gaan met touklím (sien prentjie). Let op dat die man se eerste taak was om tot by die grys brug te klím; daarna was die oorgaan maklik.

Hulle het geleer wat die inspanning behels rakende Yeshua se grense. Roy lewer hier getuigenis oor wat Yeshua openbaar het in een van hulle vergaderings en **wat Yeshua werklik wil hê mense moet verstaan:**



13 Oktober 2010

Ek het die wagter en die tafel gesien waar sy voor die Troon gestaan het, alhoewel die Troon nie vir my duidelik was nie. Ek het vir 'n oomblik aksie gesien en die volgende toneel het rondom die wagter en die tafel gemanifesteer: Daar was 'n persoon ('n wese) regs voor die wagter en 'n persoon ('n wese) links van haar, vir wie ek uit my posisie nie ten volle kon sien nie. Albei persone (wesens in gewade) was effens geboë oor die tafel, besig met Koninkrykswerk en daar was geen praal en omslagtigheid nie, dit was verhewe. Die een wese regs het 'n staf gehad met goud daarop, 'n smal strook bruin en dan weer goud. Daar was 'n sirkel bo-op die staf met 'n ontwerp soos ek langsaan weergee. Die kleure was afwisselend goud en bruin. Dit was alles militêr, gesaghebbend en baie ordelik. Die wese regs met die staf het 'n posisie beklee (hy het 'n doel gehad in die hofsaal: om te kyk na die Woorde wat die wagter van Yeshua af gekry het.)



Roy was verstom oor wat hy gesien het en hy het sonder twyfel geweet dat Elohim wou hê hulle moes weet hul vergader in Sy Koninkryk. Hulle het oorgegaan in die vierde dimensie soos Yeshua lank gelede openbaar het hul sou. Hy het besef hulle kon dit elke keer doen wanneer trou gebly word aan grense en beginsels.

Hy het onthou hoe Yeshua aan hom gesê het dat as Hy eers iets aan hom openbaar het, wil Hy dit nie nodig vind om dit te herhaal nie. Hy behoort nie. Onthou wanneer 'n Goue Vergadering gehou word mag jy nie vrae vra in jou gedagtes nie. Jy behoort in te gaan sonder agenda. Ons behoort te luister en aan te teken – sonder interpretasie. Teken net aan vir die 'agterna-vergadering'.

Die vertrek word ordelik verlaat soos binnegekom is en daar word gegaan na die vertrek waar die 'agterna-vergadering' gehou word om te hoor wat Yeshua sê.

Hier bly almal staan tot elkeen ingegaan het en dan word saam gesit om oor Yeshua se woorde te gaan. Onthou hierdie vergadering is ook ordelik en daar behoort by die onderwerp gebly te word wat Yeshua na vore gebring het. Jy moet fyn luister daar Yeshua jou ook iets in hierdie vertrek kan laat doen.

Hier is 'n woord gegee waar Yeshua die belangrikheid openbaar van selfs die hou van net basiese Goue Vergaderings soos met die *"Kits Begin Gids vir Goue Vergaderings."*


17 Junie 2012

Vergader meer met My. Hoekom het julle probleme daarmee? Is Ek nie allerbelangrik nie? Voorsien Ek nie alles nie? Dit is belangrik (om Goue Vergaderings te hou), sou Ek julle gevra het, as dit nie was nie? Dit is nou die tyd om naby aan My te kom, om een te word met My. Dit is nie moontlik sonder Goue Vergaderings nie. Hoe anders sal julle weet wat My wil vir julle is? Hoe anders sal julle My plan leer? Tye verander, julle sal dit nodig vind om naby My te wees. Julle sal dit nodig vind om onder My bevel te dien. Hoe sal dit moontlik wees as julle nie met My vergadering hou nie? Hierdie vergadering verdaag.

Die Eenheid – Elohim se Eenheid

Op **22 Februarie 2008** het Roy hierdie toneel in die nag gesien: *Ek het gekyk na 'n eenheid. Hierdie eenheid het uit lae bestaan, metaal – glas – metaal – glas – metaal. Met die glas kon mens binne-in sien. Ek het na dit gekyk en daar was vir my gesê, “Alles wat julle is (menende hierdie groep) is daar binne.” Die eenheid was gepak of saamgepers vol van ons klere; alle soorte en ek onthou ek het rooi klere gesien.*

Alles wat ons is, was as klere voorgestel, daar was geen vlees in die eenheid nie. Die eenheid het atmosferiese meters aan die buitekant gehad, wat die atmosfeer aan die binnkant aangedui het. Daardie meters was aan die middelste metaal gedeelte van die eenheid.



Aan die begin het hy nie verstaan presies wat die visioen beteken nie, maar met tyd het die begrip gekom.


- Die glas is deursigtige goud, wat te doen het met suiwer goud, verfynde goud.
- die atmosfeer, soos hy later geleer het, is stilte en moet gehandhaaf word elke oomblik, dit is die rede vir die meters.
- die sirkelvormige goed in die rooi afdeling het te doen met verbond, handhawing van stilte, ens, Yeshua se manier.
- klerasie verteenwoordig ons daade en die voorstelling openbaar dat yeshua ons daade wil hê, en "vlees" (afsterf van sondige patrone in die siel) moet totaal afwesig wees!
- ons moet nie die militêre groen vergeet nie, dus weet ons dit het met 'n militêre aksie te doen, 'n oorlog wat deur Yeshua gewen moet word. Die belangrikheid van al hierdie kan gesien word in die volgende getuienisse.

Eerste Getuie

Hierdie getuie sal meer insig verleen tot die **optrede** van die Getroude Bruid, **hulle wie gelouter is tot suiwer goud**

(die mense aan die heel regterkant van die prentjie – die mense in die Allerheiligste). Yeshua het gesê, “Ja. Die

bruid werk tot gehoorsaamheid/volmaaktheid deur liefde en aanbidding; ...Dit is die enigste manier om van goud na suiwer goud te beweeg en dit verg tyd, aanbidding van Yeshua, begrip en beoefening. (Ons moet Yeshua lief genoeg hê om deur die leerproses te gaan.)



1 April 2009 Hier is 'n woord van Yeshua wat Hy belig.

Grapeland TX, Begin met stilte voor Yeshua; moenie aannames maak nie, moenie aanmatigend wees nie. Moenie 'n bohaai opskop nie. (Dit het te doen met Goue Vergaderings.) Ontslag deur stilte. Ek sal vir julle sê wat gesê moet word, wanneer dit gesê moet word. Hierdie is vir almal. Ek IS die Allerhoogste. Ek IS in beheer. Dit is MY Vergadering. Bygelowig = jul interpretasies. Soek MY. Dit is die eenvoudige gesproke waarheid. Ontslag in MY heilighdom. Waar is MY heilighdom? Waar julle MY ontmoet. Julle sal MY Sabbatte onderhou en ontsag hê vir MY Heilighdom, EK IS YHWH, Levitikus 19:30. Heilig, Heilig, Heilig, EK IS YHWH ALMAGTIG...

Wat nou volg is uittreksels uit 'n Goue Vergadering op **23 September 2009**

Die wagter het gesien dat ons moes “kniel”. Toe openbaar Yeshua waarom ons gekniel het, “vir die ganse mensdom.” HY het gesê, “Ek aanvaar.” Toe sien ons volgende, “wil” en “krag” en toe, “saam (’n) mag”. Toe, “slaag”, toe, “geregtigheid”, toe “totale beligting”. Ons het HOM gedank dat Hy ons tot die bruilof geroep het. Ons het die woorde “Genade, guns.” Ontvang. Toe sien ons ‘n hand wat net op en af beweeg, “Met een slag.” Ons het gevra wat bedoel U? “EK het MY Bruid.” “Moses” Wat van Moses? “Beloofde (land)”...

Kommentaar deur Roy: Ons was goed in die Vergadering in toe die voorafgaande gebeur het. As gevolg van gebeure uit die verlede het sommige van hierdie woorde my aandag getrek, maar ek het geweet dat ek nie tydens die Vergadering daarvoor kon dink nie. Ons moes Yeshua aanhou volg, stap vir stap.

Na die Vergadering het hierdie woorde my meer en meer begin interesseer. “Ek aanvaar” het my herinner toe Yeshua gesê het dat Hy die eerste Bruijlofsfees in 2005 as die eerste reken. Waarom het Yeshua “Moses” opgehaal? Ek het geweet dat daar meer inligting verskaf moes word vir begrip.

Die volgende oggend, **24 September 2009**, het Yeshua vir my twee visioene gegee. Ek deel die eerste een hier en sal die tweede een later gee:

Daar was 'n paar mense wat baie naby aan mekaar in 'n groep gestaan het, in die middel van 'n vertrek. Buitekant die groep het 'n paar bruin papiersakke op die vloer gestaan. Ek het dinge wat “die doelwit” verhinder het van “die doelwit” wat in die middel van die groep was, begin wegneem. Ek het die papiersakke verwyder en het ook begin om mense weg te beweeg, een vir een, tot daar net twee of drie mense in die middel bly staan het. Ek dink drie. Hulle het in die doelwit gestaan, soos om in 'n aura te wees. **Hulle was die enigste wat nie die doelwit verhinder het nie.**

Toe ek uit die visioene kom het ek skielik geweet waarom Yeshua “**Moses**” opgehaal het. Ek was seker ek was reg oor waarom Yeshua gesê het: “**Ek aanvaar**”. Die volgende dag het ek die volgende skrifgedeelte opgesoek sodat ek dit kon hê.

Eksodus 17:11 *En telkens as Moses sy hand ophou, was Israel die sterkste; maar as hy sy hand laat sak, was Amalek die sterkste.*

Om die prent 'n bietjie meer te voltooi, ons kom altyd na 'n Goue Vergadering “in Hom” bymekaar en hersien sake. Mense rapporteer dinge wat hul gesien en gehoor het. Ons leer baie op hierdie manier. In elk geval, daar was 'n dame wat gepraat het oor hoe sy gebed het terwyl ons gekniel het. Ek het geweet dat dit nie korrek was volgens wat Yeshua besig was om ons te leer nie, maar ek het op daardie tydstip niks gesê nie. Ek het ook gevoel dat ek dit nie korrek gedoen het nie. Die twee tonele die nag na die Vergadering het aan die lig gebring dat slegs drie persone nie Elohim se doel om ons as 'n groep te laat kniel, verhinder het nie. Ek het besluit om 'n vraelys te hê met ons volgende bedienings-Vergadering. Daar was sommige sake waarvoor ek buitendien mense se antwoorde wou sien, sodat ek kon sien of ons ooreenstem. Ek het hul ook gevra of hul gebed het toe hul gekniel het tydens die vorige Vergadering.

Hul antwoorde het bevestig wat die droom openbaar het, daar was slegs drie persone wat nie “die doel” verhinder het deur te bid of iets anders te doen nie.

Die instruksies van Yeshua was vir die korporatiewe liggaam om te “**kniel**.” Toe openbaar Yeshua waarom, “**vir die ganse mensdom**.” Onthou Yeshua se woorde op **1 April 2009**, “moenie aanmatigend wees nie en bygelowig” = jul eie interpretasies. Jy sien, almal van ons wat gebed, of iets anders saam met die kniel gedoen het, het Yeshua se doel verhinder. Diegene wat gebed het, het die “**kniel – vir die ganse mensdom**” gesien as dat hul moes bid. Hul was aanmatigend om te dink dat hul kon interpreteer, wat iets is wat Yeshua verbied het. Die gedeelte van die Vergadering weer:

Vanuit ons vergaderings rekords **23 September 2009:**

Die wagter het gesien dat ons moes “**kniel**”. Toe openbaar Yeshua waarom ons gekniel het, “**vir die ganse mensdom.**” HY het gesê, “**Ek aanvaar.**” Toe sien ons volgende, “**wil**” en “**krag**” en toe, “**saam** (‘n) **mag**”. Toe, “**slaag**”, toe, “**geregtigheid**”, toe “**totale beligting**”. Ons het HOM gedank dat Hy ons tot die bruilof geroep het. Ons het die woorde “**Genade, guns.**” Ontvang. Toe sien ons ‘n hand wat net op en af beweeg, “**Met een slag.**” Ons het gevra wat bedoel U? “**EK het MY Bruid.**” “**Moses**” Wat van Moses? “**Beloofde (land)**”...

Roy deel nou die volgende gedagtes terwyl hy verwys na die Woorde (rooi) van Yeshua hierbo:

“Ons kan nou sien dat Yeshua steeds aan ons werk om “**een**” in **aksie** en **wil** te wees en dat om in **stilte saam** op te tree ‘n **krag** sal voortbring. Wanneer ons in Hom is en gehoorsaam, sal Hy beweeg soos Hy het met Moses. Moses het bloot sy hande omhoog gehou; hy het niks anders gedoen nie. Hy het dit gedoen (en het hulp daarvoor nodig gehad) tot sonder, wat my herinner aan die tyd toe Yeshua my gevra het of ek vir drie ure stil kon wees as dit belangrik was. Dit was noodsaaklik vir Moses om sy hande in die lug te hou tot sonder. Die Hemel is beweeg! **Sukses** vir Israel het te doen gehad met die optrede van Moses wat sy hande opgehou het, net soos die **kniel** te doen gehad het met **sukses** in wat Yeshua wou doen met die **ganse mensdom**. Deur die drome en gebruik van ander Vloeidiagram inligting het Elohim ‘n probleem **blootgestel**. Hy wil hê almal van ons moet verstaan, omdat dit die verskil maak tussen of ons **sukses** behaal of nie. Daardie sondag het ek lering gegee deur al hierdie sake te verduidelik en die hele groep is daardeur verander danksy Yeshua wat ons hierdie sake laat beleef het. Dit het te doen met: “**Met een slag,**” “**het EK MY Bruid.**” As jy (of ‘n korporatiewe liggaam) in ‘n Goue Vergadering is en Yeshua beveel jou om iets te doen, doen dit sonder **aanmatiging** of **interpretasies**. Yeshua het nie ons hulp nodig nie, net ons gehoorsaamheid.

“Nou het ons ‘n helderder prent van waarom Yeshua vir ons ‘n militêre eenheid gewys het wat niks behalwe klere bevat het nie. Klere verteenwoordig optredes en al wat Yeshua van ons wou hê was ons optrede: om te **kniel**, niks meer nie. Die geveg is Yeshua s’n, maar die weë van Yeshua is nie vleeslik nie. Yeshua sal op kragtige wyse beweeg, net soos Hy het toe Moses sy hande omhoog gehou het, as ons Hom gehoorsaam in wat Hy ons lei om te doen. Moenie vergeet nie, die agenda is Syne en Syne alleen!”



Tweede Getuie

Roy vertel in sy eie woorde: “Nog ‘n rede waarom ek die genoemde vraelys wou uitgee was om te bevestig of ek een van die mense was wat Yeshua se doel verhinder het. Ek het gedink dat ek een was wat belemmer het en as ek beslis kon uitvind, sou dit ‘n bietjie lig op ‘n ander element werp wat ons moet begryp.

“Die vraelys het wel openbaar dat ek een van die mense was wat Yeshua se doel verhinder het. Wat ek gedoen het na ek ‘n ruk gekniel het, was om in my gedagtes aan Yeshua te sê: ‘Yeshua, dit voel net nie reg om nie te bid nie,’ al het ek geweet ek moes nie. Ek het nie ‘vir die **ganse mensdom**’ gebid nie, maar ek het toegelaat dat ‘eie ek/ego’ my met Yeshua laat praat. Onmiddellik na dit gebeur het, het ek besef wat ek gedoen het. Ja, ek was een van diegene wat ‘die Doelwit’ verhinder het.

“Ons het geleer, of leer steeds, om te luister en te reageer, luister en reageer, of dit ‘n aksie is, ‘n mondelinge antwoord, of om nie korrek te reageer nie. Ons is nie veronderstel om te bid of met Yeshua in ons gedagtes te praat terwyl ons in Hom is nie. Dit breek die stilte wat nodig is om in Hom te bly en dit is “eie ek/ego”. Yeshua het ‘n taak om te verrig en ons moet ons kant bring. Dit kom weer terug na wat Hy gesê het:

‘n Woord op **1 April 2009** gegee: Grapeland TX, ...“**Ontsag deur stilte. Ek sal vir julle sê wat gesê moet word, wanneer dit gesê moet word. Dit geld vir almal. EK IS die Allerhoogste. EK IS in beheer. Dit is MY Vergadering...**”


“Dit verg ‘n nederige persoon om bogenoemde ten volle te bewandel. Sommige het gesê: ‘Maar jy kan nie leë gedagtes hê nie.’ Nee, jy is nie veronderstel nie en jy moenie probeer om dit reg te kry nie. As jy luister, het jy nie leë gedagtes nie! Om te luister en te reageer is redelik maklik wanneer dit korrek gedoen word, sonder ‘eie ek/ego’. Toe Yeshua ons beveel het om te kniel, het ons dit gedoen en al wat ons moes doen was wag en luister. Yeshua het ons vinnig vertel waarom ons gekniel het. Ons het nie nodig gehad om te vra nie. (In hierdie tipe situasie moet ons besef dat Yeshua in beheer is en Hy sal alles wat nodig is verskaf. Dit is die vertroue wat ons in Hom moet hê.) Na Yeshua ons vertel het waarom ons moes kniel, was ons veronderstel om te luister vir die volgende instruksie, wat in hierdie geval was om op te staan. Dit was openbaar deur Sy woorde aan ons.

“Eenvoudig gestel: Sodra Yeshua op hierdie wyse begin lei, word dit makliker omdat al wat ons doen is luister en reageer, sonder om iets te moet verstaan of weet. As ons iets moet weet, sal Yeshua dit verskaf, hetsy tydens die Vergadering of agterna. As ons probeer om alles soos wat ons aangaan te verstaan, is ons aanmatigend om so te dink en veroorzaak ons ‘n oproer in die geestesrealms deur gedagtes te skep.”

Yeshua het op **1 April 2009** gesê: **Begin met stilte voor My; moenie aanmatigend wees nie, moenie 'n bohaai opskop nie...**

“'n Broer wat by Die Eerste Bruijlofsfees was het vir my gesê dat Yeshua vir hom gewys het hoe gedagtes “skreeu” (in die geestesrealm). Ek het gesukkel om te onderskei wat dit is van ons gedagtes en verstand wat Yeshua wil hê, die moet's en moenie's. Ek het party sake besef oor gedagtes en ek is seker dit sal jou help.

“Yeshua het vir een dame wat gesukkel het om met haar verstand te luister, gesê: **‘Luister is nie 'n gedagte nie.’** Ek vertel vir mense dat hul gedurig bewus moet wees van die korporatiewe liggaam en alles wat dit besig is om te doen tydens 'n Goue Vergadering. Die groep kan dan Yeshua se Bruid word, styf saamgevoeg soos een persoon. Onthou; wanneer een persoon dit mis, is daar geen smelting of geen oorwinning nie. In die toneel in die prentjie hierbo het een persoon die opdrag gemis (vir watter rede ook al) en daar was geen smelting in Yeshua in nie!



“Gedurige bewustheid van wat die groep doen is nie 'n gedagte nie, maar waarneming. 'n Gedagte is iets wat deur jou verstand genereer word en ek glo dit is 'n groot leidraad. As 'n persoon bewus is van wat die korporatiewe liggaam doen en skielik dink, “Daardie persoon behoort dit nie te gedoen het nie,” het hul 'n gedagte geproduseer, in eie ek/ego inbeweeg en hul oë van Yeshua se doel afgewend. As jy gefokus is op Yeshua se doel, korrek luister en reageer, dan sal jy waarskynlik nie in die “eie ek/ego” slagyster trap nie.”

Derde Getuie

“Ek deel nog 'n getuigenis van om aanmatigend te wees, wat openbaar hoe dit ander kan affekteer en dus ook vir Yeshua se agenda en doelwit. Ek was in die vertrek waar ons saamkom. Jy het 'n vertrek nodig om in saam te kom omdat Elohim 'n Wese van orde is en jy in Yeshua moet inbeweeg as 'n eenheid, as een persoon. Mense kan nie net by Hom inslenter nie; ons beweeg in as een persoon, die Bruid. So as ons bymekaarkom en die Heilige Gees met verskillende sake tussen ons laat deel, terwyl ons die tyd neem om stilte te vestig, kan die groep die Vergaderingvertrek “in Hom” binnetree. Yeshua het ook gesê dat ons 'n afsnypunt moet hê vir wanneer die Vergadering “in Hom” eindig. Ons het gevind dit werk goed deur die Vergadervertrek te verlaat en terug te beweeg na die vertrek waar ons aanvanklik saam gegroep het.”

In elk geval, sommige het vroeër opgedaag en ander het net die vertrek binnegekom waar ons saam groepeer. Ek het geweet dat ek op Yeshua gefokus moes raak en toe ek daarmee begin, het dele van 'n lied helder en duidelik deur my gedagtes gegaan. Die boodskap was: "We are coming through!" Dit was op die wysie van "Yeshua and His children are coming through." Ek moes begin sing het: "Yeshua and His children we are coming through" (en die woorde so verander het). Ek het nie, maar het aangeneem dat dit te vroeg was daarvoor en het gereken dat ek sou wag vir 'n geleentheid om dit by die Vergadering in te pas en dit dan te doen. Daardie geleentheid het nooit opgedaag in enige van die vertrekke nie. Ek het gereken dit was 'n algemene boodskap vir ons dat ons besig was om deur te kom en dat dit Yeshua was wat ons aanmoedig.

Soos ek gesê het, ons gaan oor dinge van die vergadering, nadat die Vergadering "in Hom" verby is. Ons het so baie op hierdie wyse geleer en ek sal dit voorstel terwyl julle werk om al hierdie dinge te leer in/as 'n groep. Nadat dit gelyk het of almal klaar gedeel het wat hul ontvang het, het ek genoem dat ek 'n lied gehad het heel aan die begin. Ek het die boodskap verduidelik van "We are coming through" en die liedjefrase "Yeshua and His children, we are coming through" onthul, sowel as sommige van die volgende deel wat ek gehoor het aangaande die engele en heerlijkheid. Ek het genoem dat dit nooit by die Vergadering ingepas het sover ek kon sien nie.

Een van die dames het my toe begin vertel dat ek dit heel aan die begin in die buitevertrek moes begin sing het. Sy het 'n paar Vergaderings gemis as gevolg van dood in haar familie en by die werk was sake vir haar moeilik. Sy het 'n inspuiting nodig gehad om terug te kom in dit wat hier gebeur het en toe sy opdaag het sy dit geweet. Sy het vir my gesê dat die lied, met die woorde verander, haar sou bedien het deur vir haar die inspuiting te gee wat sy nodig gehad het. Dit sou wonderlik gewees het om dit heel aan die begin reeds te hê. Ek het besef dat Yeshua al hierdie van haar geweet het en dat ek Hom in die steek gelaat het. Hy sou die eer ontvang het, het ek die lied gegee met die woorde wat Hy gegee het, toe ek dit ontvang het. Die dame het nie die bediening van Yeshua ontvang nie, danksy my aanmatiging. Dit kom weer daarop neer om te luister en korrek te reageer soos ons geleer is. Dit kom terug na die beginsel wat Yeshua genoem het: **Ek sal vir jou sê wat gesê moet word, wanneer dit gesê moet word.**

Nou moet ek noem dat Yeshua soms iets sal gee en ons aansê om te wag. Ek onthul beginsels deur hierdie foute te noem, met die hoop dat ons daaruit kan leer sodat Yeshua se bediening kan plaasvind sonder inmenging gedurende die Vergadering. Dit is Sy bediening op aarde, nie ons s'n, of die kerk se bediening nie. Die Liggaam van die Messias moet leer hoe om Hom te bedien op voorheen ongekende wyse.

Ons het tot die besef gekom dat wanneer ons “in Hom” bymekaarkom, sal Yeshua vir ons alles vertel wat Hy gedoen wil hê. Dit kan enigiets wees, selfs wat ons as klein dingetjies ag! Daardie klein dingetjies kan ‘n sleutel word tot groot dinge. Hy het al gesê dat ons moet juig en dan skielik dat ons moet rustig raak. Hy soek oombliklike gehoorsaamheid! Hy het al gesê dat ons moet dans, vorentoe tree, Hom inasem, om te kniel, om te marsjeer, om in sekere posisies te staan, om styf bymekaar te staan, om ‘n sirkel te maak; die lys hou aan. Die punt is, ons moet as Sy Liggaam doen wat Hy wil hê, met Hom aan die hoof. Hy het een keer vir my gesê dat Hy ons net liefdevol wou vertroetel. Ek het geweet dat Hy dit sou doen as ons in ‘n stywe sirkel was, as ‘n korporatiewe liggaam, soos een persoon, Sy Bruid. Een keer het Hy vir ons gesê dat Hy gemeenskap wou hê; dit het aanvanklik vreemd geklink. Ons moet net gehoorsaam en Hom laat doen soos Hy wil. (‘n stywe sirkel is nader as skouer aan skouer.)



Vierde Getuie

Ek sal ‘n ander keer deel wat ek in “eie ek/ego” beland het met betrekking tot iets waaroor Yeshua besig was om met ons te behandel en ons dit nie besef het nie. Dit was opgehaal dat ons nie geleer het om korrek op Yeshua te reageer nie. Ek het besluit dat ek werklik sou kyk en alles probeer leer wat ek kon rondom die korrekte reaksie. By die volgende Vergadering onthou ek dat ek daaraan gedink het voordat ons in Yeshua inbeweeg het, om te wil leer en niks te mis nie. Tot my verbasing het Yeshua met my gedeel in die nag na die Vergadering. Skielik het ek geweet dat ek “my agenda” by die Vergadering ingeneem het, sonder om dit te besef. My agenda was om te leer hoe om korrek te reageer; my fokus was deelyds daarop en nie op wat Yeshua besig was om te doen nie. Ek het gedink dat ek goeie bedoelings gehad het om ‘n belangrike aspek te leer; ek het ‘n fout gemaak. Dit was ‘n Koninkryksvergadering in Hom; Yeshua was in beheer en het die agenda gehad, maar daar sit ek met my agenda.

Vyfde Getuie

Dit was nie in ‘n *Koninkryksvergadering* nie, maar in ons gewone gemeente Vergadering. Ons het opgestaan om te bid en een van die mense het beduie dat ons styf bymekaar moes kom soos ons doen wanneer ons so na aan een word in die fisiese as wat ons kan wees. Ons het ‘n manier geleer om dit te doen wat selfs nader is as skouer aan skouer. Ons het ‘n stil tyd saam met Yeshua gehad en later het die individu wat beduie het dat ons bymekaar moes kom, sy getuie gegee van wat gebeur het.

Hy het gesê dit was asof Yeshua hom aan sy arms geneem het en vir ons beduie het om styf teenmekaar te beweeg. Toe ons eers bymekaar was het hy gerapporteer dat hy gedagtes gehad het, maar dat hul telkens uitgedoof was. Dit was werklik vreemd. Omdat dit uitgewis was het hy in sy gedagtes begin dink of sê: “Yeshua, U is Heilig.” Hy het dit verskeie kere gedink en is toe beveel, “**Bly still!**” Hy het hierdie stelling gemaak: “Elohim wou die stilte hê, nie ons gebabbel dat Hy Heilig is nie.”

Hy is Heilig en dit is die rede vir die stilte. Hy wou ons gehoorsaamheid hê en om Sy Heiligheid met stilte te vereer is baie beter as om te sê Hy is Heilig, nie dat ek nou die sê van dat Hy Heilig is verkleineer nie. Stilte is die aksie wat Hy ons geleer het om te gebruik ten opsigte van Sy Heiligheid en om in Hom in te beweeg. Dit herinner my aan al die “elemente” van die volgende Woord wat ons besig was om te ondersoek:

1 April 2009

Grapeland TX, Begin met stilte voor Yeshua; moenie aannames maak nie, moenie aanmatigend wees nie. Moenie ‘n bohaai opskop nie. (Dit het betrekking op Vergaderings.) Ontslag deur stilte. Ek sal vir julle sê wat gesê moet word, wanneer dit gesê moet word. Hierdie is vir almal. Ek IS die Allerhoogste. Ek IS in beheer. Dit is MY Vergadering. Bygelowig = jul interpretasies. Soek MY. Dit is die eenvoudige gesproke waarheid. Ontslag in MY heiligdom. Waar is MY heiligdom? Waar julle MY ontmoet. Julle sal MY Sabbatte onderhou en ontsag hê vir MY Heiligdom, EK IS YHWH, Levitikus 19:30. Heilig, Heilig, Heilig, EK IS YHWH ALMAGTIG...

Jare gelede het Elohim gesê, “**Ek soek gehoorsaamheid, nie prestasie nie.**” Hy soek ‘n “eenheid” sonder vlees, sonder eie ek/ego, vol van optredes van gehoorsaamheid teenoor Hom. Hy is ons Aanvoerder en Hoof!



Eenwording, Ineengevleg Met Hom

Ek het gemeld dat ons oor die tweede droom sou praat, hier is dus die verslag:


24 September 2009: 2de visioen. Ek het gekyk na ‘n hoek in ‘n huis wat mense binnegegaan het om ‘n vergadering te hou. Daar was ‘n materiaal sak met (ek veronderstel) bedieningsinligting daarbinne, soos ons skriba soms dra. Iemand het dit gebring en langs bruin papiersakke wat ander gebring het, neergesit. (Ek dink nie die materiaal sak was ons skriba s’n nie, ek is seker dit was in ander kleure, maar dit kon ook gewees het.) Ek kon nie sien wat in die papiersakke was nie, maar hulle het waarskynlik verskillende sake bevat wat mense gebring het.

Daar was 'n spoorlyn van omtrent dertig, dalk veertig sentimeter wyd, wat rondom die buitekant van hierdie vertrek gelê het. Die materiaalsak het direk bo-op die buitenste spoor gelê en die papiersakke en 'n paar ander goed wat mense gebring het was naby aan die spoor, nie daarop nie, maar naby genoeg om deur die trein getref te word as dit opdaag. Ek het geweet die trein moes oor die spore kon beweeg en tydens die vergadering 'n volle sirkel maak rondom die buitekant van die huis of vertrek, wat dit ookal was. Eenvoudig gestel: die vergadering was nie verby voordat die trein oor die hele spoor beweeg het nie. In die toneel het ek die kleurvolle materiaalsak, al die bruin papiersakke en verskillende ander goed naby die spoor verwyder, sodat die trein kon verbykom sonder om iets te tref, sonder hindernis.

Toe ek wakker word uit hierdie toneel, was daar iets omtrent die twee rye spore wat my gepla het. Dit het voorgekom asof die een verskil het van die ander. Die enigste ding waaraan ek kon dink was dat die regterkant geestelik kon verteenwoordig en dus sou die die linkerkant die fisiese verteenwoordig. Dit vervang nie die betekenis dat die spore die Wet, of Elohim se Woord verteenwoordig nie; in 'n Vergadering sou hulle Yeshua se instruksies verteenwoordig. Die Vleklose Bruid (Trein) beweeg wel op Yeshua se Woorde in 'n Vergadering, van begin tot einde. Dit was basies my gedagtegang rondom die droom, totdat die volgende gebeur het:

In 'n Koninkryksvergadering op **23 Oktober 2009**: Terwyl ons ZION gesing het, het die psalmis ons ramshoring gehoor asof dit ver was. (Dit was na die Vergadering verby was gerapporteer.) Na Zion het die psalmiste gefluister dat die ramshoring gespeel moes word en het aan die speler verduidelik dat hulle 'n enkele noot moes speel wat by die musiek ingevloei het, regdeur die lied. Die psalmis het toe *THE WIND OF YOUR BREATH* gespeel en gou het die ramshoring die enkel noot begin speel. Na 'n rukkie gespeel is, het die psalmiste gestop en terwyl die ramshoring aangegaan het, het die psalmis weer begin speel.

Na die Vergadering in Yeshua het die psalmis verduidelik dat sy gedoen het waarteen Yeshua gewaarsku het, om nie tydens 'n Vergadering ons oë op wonderwerke te fokus nie, maar om ons oë op Hom te hou soos ons met die weg langs beweeg deur die Vergadering. (Die prent hiernaas is 'n deel van die prent in die artikel: *Deur die Vuur – Hoofbevelvoerder*, wat verduidelik waarvan sy gepraat het. Jy kan die volle prent in die artikel sien.)



Sy het gesê dat sy verbaas was dat die ramshoring-speler so 'n lang noot kon speel en het daarop gefokus geraak, met die gevolg dat sy ophou speel het. Haar aandag was verdeel en van die pad af soos die prent aantoon.

Ons het almal geweet dat ons besig was om te leer en dat ons bewus sou moes wees van alles wat Yeshua ons geleer het rakende die vloei saam met hom in 'n Vergadering. Dit was tydens die volgende bedienings-vergadering herhaal op **26 Oktober 2009**, sodat die psalmis my kon motiveer om hieroor te skryf, sodat mense kon verstaan.


Ek het dit nie geweet nie, maar daar was meer rondom hierdie prent as 'n vermiste "element". Die volgende oggend het Yeshua die droom van die trein wat rondom die vertrek beweeg, herroep en dat dit te doen gehad het met die vergadering waarvan ons praat. Ek het geweet die droom het aangedui dat Yeshua my sou gebruik om dinge van die mens te verwyder wat die vloei van die vergadering sou verhinder. As ek korrek was oor een spoor wat geestelik en een spoor wat fisies was, dan kon die prent wat geskets was, die samesmelting van die geestelike, Yeshua se Woord (instruksies), met die fisiese gewees het en andersom, soos die Bruid/trein vorentoe beweeg het. Ek het geweet dat die 'andersom' belangrik sou gewees het as dit wat ek gesê het, waar was.

Ek het gekyk na die vergadering-notas en het besef dat dit reg voor my oë was. Hier is die deel van die vergadering pas nadat die ramshoring geblaas is:

Die wagter **het HOM bedank vir SY oproep**, maar het in werklikheid gesê: "...U oproep tot aanbidding". Sy het nie bedoel om dit so te sê nie. Sy was besig om HOM daarvoor te bedank, deur vir HOM te sê dat die oproep aan HOM gaan. HY het gesê: **"Moenie besorg wees oor 'n tweerigting-saak nie, dit is HEILIG."**

Wetende dat die ramshoring soms vir 'n oproep gebruik word, het ek hierna gekyk met die wete dat in 'n bruilof, die twee een word, dat Yeshua besig was om te openbaar dat ons vir 'n tyd met Hom een geword het **"...dit is HEILIG."** Dit pas by die prent van die Militêre Eenheid wat ons moet wees. Niks behalwe klere (aksies) gedoen in stilte, wat 'n moet is om Yeshua in 'n Vergadering binne te gaan. Jy kan nie onheiligheid in Yeshua inbring nie, want Hy is suiwer Heiligheid. Die aksies van onmiddellike gehoorsaamheid in 'n vloei is "lewendige geloof" en Heilig. Ek het dit nie geweet nie, maar Yeshua was nog nie klaar nie!

Toe ek rekenaar toe gegaan het om hieroor te skryf, het ek myself betrap staar na die rekenaar. Ek was fisies besig om rebels te wees oor die prent van die regterkantste spoor as geestelik en die linker as fisies. Ek het met Yeshua geargumenteer, sonder om dit te besef. My argument was dat daar niks in ons korporatiewe vloei-diagram was om dit te ondersteun nie.



Dit is toe dat Yeshua my herinner het aan 'n woord wat Hy ons 'n tyd gelede gegee het. Ek het teruggeblaai in die *Korporatiewe Vloedidiagram* om dit op te spoor en hier is dit:

23 Januarie 2008 "Hou aan wandel op hierdie hoër vlak. Binnekort sal ek julle in 'n dieper diepte van MY inlei. Binnekort sal julle so ineengevleg wees dat jul nie sal weet waar een begin en 'n ander eindig nie...

As ons saamgesmelt (inmekaargevleg) in een is, kan ons nie sê waar een begin en 'n ander eindig nie. As hierdie prent waar is, dan het Yeshua en Sy onsigbare Bruid die oproep gedoen en is dit hoekom Hy gesê het: "**Moenie bekommerd wees oor 'n tweerigting-saak nie, dit is HEILIG.**" Al wat ek op hierdie stadium kon sê, was: "*Ja, Yeshua!*"

Vanuit Onbekende Waters:

"...Ek roep julle uit om een te word met My. Het Ek dit nie van die begin af ingestel nie? Het Ek dit nie moontlik gemaak nie? Moenie dink dat dit nie so is nie! Het die Vader nie gesê dat in die bruilof, twee een word nie?..."

Ons Kyk na Elemente Rondom "Die oproep"

Om nie aandag af te trek van hierdie uiters belangrike gebeurtenis nie, deel ek meer rondom "eie ek/ego" en gee meer insig oor hoe eie ek/ego betrokke kan raak wanneer ons nie wil hê dit moet nie. Hierdie is 'n groter prent en ek hoop dat die ondergaande skrywe meer van die besef meebring oor die feit dat die Getroude Bruid besig is om haar deel van Yeshua se sake op aarde te doen.



Onbekende Waters

"...Ek roep julle om My hande en voete te wees. Ek roep julle om My Naam op die aarde te dra volgens My plan, My weë, My patroon van dinge doen. My weë is julle weë nie..."

Die Gebeurtenis

18 September 2009: Koninkrykregerings-vergadering – Fees van Trompette

Terwyl ons besig was om die lied te sing: *WHEN WALKING WITH YOU*, op die woord ‘*magnify*,’ is ek die teken gegee om die ramshoring te blaas.

Na die Vergadering het die wagter onthul dat toe die ramshoring geblaas is, is die woorde: “**oproep om te trou**” daaruit gesien kom. Hierin kan ons die betrokkenheid van drie mense sien om voort te bring wat Yeshua wou doen. Dit het te doen met die korporatiewe liggaam wat nou saamgevoeg is, funksionierend as ‘n eenheid, met Yeshua aan die hoof.

Die volgende oggend het die impak van wat gebeur het, my getref. Ek het besef dat ek dankbaar was dat ek nie die doel van die blaas van die ramshoring geken het nie. Was ek vooraf gesê, sou ek onmiddellik in “eie ek/ego” gewees het en probeer uitredeneer het hoe om die horing te blaas. Ek hoop jy kan dit sien.

Jare gelede is ek ‘n ramshoring gegee en Yeshua het my dit met tye laat blaas. Ek het gedink dat ek al die protokolle en verskillende maniere om dit te blaas vir verskillende redes sou moes leer. Ek het hiermee gestoei terwyl ek gedink het dat ek nie voel dat ek die tyd het om dit te doen en om te oefen nie. Yeshua het my onderbreek en gesê: “**Blaas dit net!**” Ek het dit al op baie verskillende maniere geblaas met behulp van die Heilige Gees. Al wat ek kan sê, is dat as Yeshua die bevel gee om die ramshoring te blaas, sal die korrekte manier om dit te blaas daar wees as jy op Hom staatmaak en nie op jou eie begrip nie. Dit beteken egter nie dat mens nie die verskillende klanke moet leer nie.

Hierin kan ons almal dankbaar wees dat Yeshua nie altyd vooraf vir ons sê wat Hy doen wanneer ons in Hom is in ‘n Vergadering nie. Toe Hy ons laat kniel het vir die ganse mensdom, het Hy vir ons die rede vir die kniel gegee na die opdrag om te kniel. Twee mense moes agtereenvolgens gehoorsaam wees voordat die woorde “**oproep om te trou**” deur ‘n derde persoon gesien is, wat Yeshua se doel openbaar het. In een Vergadering het Yeshua ons die antichris laat terugstoot, omdat hy te vroeg probeer kom het. Ek kan meer voorbeelde noem, maar die belangrike saak om hier te sien, is die prent van die Bruid wat saam met Yeshua werk in Koninkryksake, sonder “eie ek/ego”.

Dit kom alles neer op begrip van die beginsels, die protokol, die grense en die onmiddellike gehoorsaamheid wat Yeshua in Sy eenheid wil hê – sonder eie ek/ego.



Hulle Sal Optree!

Daniel 11:32 *En die wat goddeloos handel teen die verbond, sal hy met vleierey afvallig maak, maar die volk wat hulle Elohim ken, sal vashou en optree.*

Yeshua het Roy aangesê om inligting uit e-pos saam te stel as 'n getuienis van Hom ter demonstrasie van wat Hy hulle leer oor Goue Vergaderings, oor In-Hom vergaderings en oor die geestelike oorlogvoering wat oorwinning meegebring het in die Slag van Jerigo. Onthou, die Ou Testament is *ons Onderwyser*, daarom het Yeshua die Tempel gebruik om ons te leer oor vergaderings. Dit sluit dieper dinge in, beginsels en fasette om beter te verstaan hoe om met die Koning van die konings saam te werk as Koning op alle gebiede. Yeshua het die slag van Jerigo gebruik om ons meer te leer oor geestelike oorlogvoering, wat 'n hoër vlak van samewerking met Hom is as Koning en vegsman.

Stilte en gehoorsaamheid was die sleutel elemente in die vernietiging van die stad Jerigo. Die leer van Israel het niks uit hulle monde geuiter vir sewe dae nie.

Jos. 6:10 *En Josua het aan die volk bevel gegee en gesê: Julle mag nie skreeu of julle stem laat hoor nie, en geen woord mag uit julle mond uitgaan nie tot op die dag dat ek vir julle sê: Skreeu! dan moet julle skreeu.*

In 2007 het Roy die volgende paragraaf geskryf in die stuk: ***Ek het die Heer van die Boek van Openbaring gesien.*** Hy is verheug om 'n manifestasie van die boodskap te kan sien.

Elohim is nie die Skepper van wanorde nie en dit is veilig om te sê dat die Koning van die Boek van Openbaring groot dinge en meer gaan doen in ons leeftyd, soos Hy gedoen het met die slag van Jerigo. Hy wil hê dat Sy Bruid sy weë sal begin verstaan, bekend met die grense, om volmaak op sy bevel in te skakel by wat Hy doen, nes die leer van Israel by Jerigo gedoen het.

Yeshua Homself het die stad van Jerigo aan Sy volk oorhandig en ons gaan 'n parallele prent sien in die volgende getuienis:

Kom ons stel Jericho Dumapias aan jou voor, as jy nie alreeds sy getuienis op die webblad gelees het nie. Hy is die pastoor wat vir ruim 15 jaar mense gedoop het net om uit te vind dat sy eie gees nie wedergebore was nie, dit wat noodsaaklik is om die ewige lewe te verkry. Nou predik hy ***Meganika van Verlossing*** waar hy ook al gaan. Hy het ook lering gegee oor Goue Vergaderings en het mense in die berge van sy land wat so opgewonde raak oor Elohim en Goue Vergaderings, dat hulle 'n hut teen die berg gebou het, spesiaal vir Goue Vergaderings. Mense raak opgewonde wanneer hulle verneem dat Yeshua die vergadering wil lei en dat Hy die hele agenda voorsien.

Om hierdie getuienis mee te begin, het Yeshua vir Roy 'n toneel in die nag gegee, waartydens hy by Jericho Dumapias en diegene by hom was. In die toneel het hy na een van hulle leiers se Goue vergaderings toe gegaan en dit is openbaar dat hulle praat in die vergadering (wat hulle nie mag doen nie). In die toneel het Roy gedink: "Hierdie is nie 'n 'In Hom' vergadering nie." Hy het uit die toneel gekom met die wete dat Yeshua wil hê dat Jericho en die mense by hom 'n "In Hom" vergadering sal hou.

Om saam te gaan met hierdie "saak van die Gees" boodskap, was dit openbaar in hulle gereelde vergaderings dat hy dit moes kort saamvat en vereenvoudig wanneer hy die "In Hom" vergadering aan Jericho voorstel. Hy het nie geweet hoe om die verskil tussen 'n Goue vergadering en 'n 'In Hom' vergadering te verduidelik nie, behalwe om aan Jericho te sê dat 'n 'In Hom' vergadering 'n volmaakte Goue vergadering is. Hy onthou dat hy vir Jericho gesê het om die mense hulle skoene te laat uittrek, voordat hulle die vertrek binnegaan waar die 'In Hom' vergadering sou plaasvind. Elkeen moes ook 'n pen en papier hê om neer te skryf wat Yeshua hulle meedeel. Hulle moes ook nie praat nie, tensy Yeshua hul sou aansê om te praat en hulle moes ook nie enige iets van Hom in hul gedagtes vra nie. Hy het aan Jericho gesê dat daar een of ander stil gebaar sou moes wees om die einde van die vergadering aan te dui. Hulle moes dan die vertrek verlaat as bevestiging dat die vergadering verby is. Dit sou gedoen moes word as groep (geen agterblyers) en dit geld vir die begin en die einde van die vergadering – omdat Yeshua sy Bruid beskou as EEN persoon. Hy het Jericho meegedeel dat daar 'n tweede vergadering na die 'In Hom' vergadering moes wees om te bespreek wat Yeshua gegee het. Hierdie tweede vergadering is dan ook waar hulle enige petisies aan Yeshua kon voorlê.

Hier volg nou in skuinsdruk sommige van die dinge wat Jericho oor die vergadering gekryf het – met enkele regstellings vir groter duidelikheid.

Liewe Profeet Roy,

Hallo, wat 'n heerlike ervaring om in die teenwoordigheid van Elohim te wees; selfs die geraas is afwesig. Dit is asof ons vir 'n regter wag om te arriveer. Sonder om na mekaar te kyk, elke oog toe, met pen in die hand en 'n notaboek, totdat Elohim met elkeen op 'n stil manier begin praat. 'n Tyd van stilte, net geestelike gemeenskap met die Gees van Elohim oor wat Hy wil hê ons moet doen. Ons monde en tonge was weerhou daarvan om enige iets te sê. Sonder enige lawaai, hoor ons helder die stem van Elohim. Tot die tyd aangebreek het en Elohim ons toegelaat het om dit wat Hy ons meegedeel het te deel met enigeen. Party was nie seker oor wat hulle gehoor het nie, maar 7 van ons het dieselfde instruksie gekry, 'n baie helder instruksie wat ons beveel om te gaan na 'n sekere plek toe met die naam xxxxxx, 'n stam wat towerkuns, hekserij en amulet beoefen. (amulet = Towerkrachtige voorwerp om rampspoede af te weer.)

Ons het gesien die aaklige ketting is gebreek en mense bevry van daardie binding. Die **meganika van redding** is suiwer aan hulle bedien. En toe is dinge bevestig, want na 'n uur het my broer, pastoor Freddie, 'n boodskap aan my gestuur dat iemand ons na daardie plek genooi het. Sjoel Elohim het alles gereël volgens elke opdrag en dit geskeduleer.

Maar Elohim het ons instruksies gegee dat as ons by die plek aangekom het, moet ons steeds stil geestelike oorlogvoering doen vir 3 dae. Daarna moet ons openlik op 'n kruistog gaan, want Elohim het ons die plek gegee! Dit het ons gehelp om die resultaat van die stil vergadering te sien. Nou was dit duidelik vir ons dat 'n Goue vergadering nie net 'n mooi vergadering is nie, maar dit kan die agenda van Elohim wees en net Sy agenda sal uitgevoer word en niks anders nie! Dus sal die 7 leiers wat dieselfde boodskap gekry het as ek na die plek toe gaan. Dit neem 7 uur reis op land, 3 uur in 'n boot en 7 uur stap om die plek te bereik...
Einde van e-pos.

Ek is seker jy kan jou indink hoe verheug ek was oor wat Elohim gedoen het tydens die 'In Hom' vergadering. Elohim het dieselfde instruksie gegee aan sewe mense, wat ingesluit het stille vir drie dae waartydens ons gesien het "...die aaklige ketting is gebreek en mense bevry van daardie binding", parallel aan die stille voordat Jerigo se mure ingestort het. Dan met: "want Elohim het ons die plek gegee!" nog 'n parallel met die gee van die stad Jerigo deur Elohim aan Sy volk. Hier volg die rapport van die man Jericho by hulle terugkeer huis toe na hulle prestasie:

Liewe Profeet Roy,

Ek weet nie hoe om te begin nie, maar ek onthou dit was laatmiddag toe ons gearriveer het, moeg en uitgeput van die lang reis. Almal van ons het goed geslaap die nag en toe die dag breek, het ek ons kontakpersoon gevra of hy ons die plek sou wys waar ons moes bymekaarkom teen laat namiddag. Maar Elohim het met my hart gepraat dat ek 3 dae sou wag, maar dat almal van ons moes volhou om oorlog op 'n stil manier te maak vir daardie 3 dae. Terwyl ons stap was ons in stille gebed soos Elohim ons beveel het om te doen. Almal van ons het dit vir die eerste keer gedoen en heeltyd die mure van Jerigo onthou, totdat die tyd vir die vergadering aangebreek het. Teen vyfuur namiddag het ons die kragopwekker voorberei, LCD en die draagbare DVD. Ek het gesien mense ignoreer wat ons doen, terwyl hulle verbygestap het. Sommige het bakleihaan hoenders gebring; sommige het misvormde liggamme, want hulle beveg mekaar om die plek te kan domineer. Met hekserij ly die swakkes aan misvorming van die liggaam! Partykeer doen hulle vergiftiging. Op die kop 7nm sit die kragopwekker die LCD aan die gang en vertoon in groot letters: TAKE HIS HEART. Nadat ons voorgestel is en daar verduidelik is wat ons doel op die plek is, is die mikrofoon aan my oorhandig.


Ons het almal in ons liggame die spesiale krag van salwing begin voel. Ek het op my eie die salwing van oorlog aangevra. Elohim het my toegelaat om my mond te open met 'n luide stem: "YESHUA, EK VERWELKOM U, NEEM ASSEBLIEF U PLEK IN!" Terwyl ek dit gesê het, het die salwing uitgegaan na die mense wat die plek omring het! Hulle wat gehoor het, het neergeval; ander het huilend na die platvorm gehardloop, neergekniel en vergifnis van Yeshua gevra. Dit het gebeur sonder dat hulle genooi was om vorentoe te kom! Die krag van Elohim, Sy Gees....wat die ketting afsny wat mense bind, mense wat bevry word van die vloek! Ek het ongelooflike werke deur Vader gesien wanneer ons Hom verwelkom het om ons plek in te neem. Ek weet nie of hierdie dinge weer sal gebeur nie; dit was 'n baie unieke optrede deur Hom, 'n gevolg van stille oorlogvoering!

Dit is 'n wonderlike ondervinding wat ons gehad het, maar my hart het nog nooit vergeet om al die eer en glorie aan Hom alleen te gee nie. Dit is Elohim wat die ware manier van redding bedien! Ek het die volgende oggend 'n pragtige sonsopkoms gesien, 'n atmosfeer van Liefde, vrede en innerlike vreugde in ons harte. En gedurende die oggend het ek man tot man gepraat met die kontakman (daar) om 'n stil goue vergadering te hou. Ek het hom al die inligting gegee wat ek het en vir hom gesê dat ek nie weet of ek weer sal kan kom nie. Ons het saamgebied met die leiers en vertrek van die plek af waar daar 'n onvergeetlike optrede deur Elohim was!

Einde van e-pos

Laat ek dit hier duidelik maak dat hierdie tipe ding slegs kan gebeur onder leiding van Yeshua. Hy moet die optrede aanskakel en dit verg 'n gehoorsame groep mense om dinge deur te voer. Dit is om te wandel in die krag van Elohim, in Hom, wat verskil van die gewes!

Yeshua was op die toneel met die slag van Jerigo en Yeshua was op die toneel met hierdie slag vir die siele van hierdie mense. Hierdie slag kan gesien word as belangriker as die slag van Jerigo, omdat hierdie slag gegaan het oor ewige verlossing. Die slag van Jerigo het gegaan oor 'n fisiese verlossing, of 'n fisiese situasie op aarde. Elohim het ons beveel: **"Dink Ewigheid!"** Yeshua het dit gedoen| toe Hy die Fillipynse groep aangesê het om na daardie mense toe te gaan en stille oorlogvoering te voer, sodat Elohim kon werk! Ons hoop hierdie getuienis sal mense inspireer om die eenhede wat Yeshua dwarsoor die wêreld wil skep vir Sy doelwitte, ernstig op te neem. Dit beteken nie die eenhede sal almal dieselfde ding doen nie, maar ons moet onthou dat Yeshua weet wat gedoen moet word. Dit is Sy eindtydplan, nie ons s'n nie! Die geveg is Yeshua s'n en dit is Sy oorwinning!



Daniel 11:32 *En die wat goddeloos handel teen die verbond, sal hy met vleierey afvallig maak, maar die volk wat hulle Elohim ken, sal vashou en optree.*

Yeshua het gesê, “Stawwe van Stilte!”

Dan 12:9 *En hy het gesê: Gaan heen, Daniël, want die woorde bly verborge en verseël tot die tyd van die einde toe.*

Dan 12:10 *Baie sal gereinig en gesuiwer en gelouter word (made white and tested [die vlekklose Bruid] King James Vert.), maar die goddelose sal goddeloos handel; en geeneen van die goddelose mense sal verstaan nie, maar die verstandiges sal verstaan.*

(Temas)

Stawwe van Stilte

Stawwe

'n Wonderwerk

Om mee te begin, deel ek mee wat Yeshua gesê het in my persoonlike Goue Vergadering op 7 April 2014 (Die hele artikel in Roy se eie woorde):

Heilige Plek - **geen filtrering / offer stilte op**

Allerheiligste - **kom na My toe / (Ek kom, Yeshua) / Beklad nie / openbaar die verborge dinge/ My waarheid seëvier / hinder nie die vooruitgang van My Koninkryk / nuwe begrip moet openbaar word / Stawwe van stilte belangrik / ja, Stawwe / geplaas waar Ek verkies / My plan ontvou / dink hieroor / My hand beweeg / ver wag die onverwagte/ versamel My troepe /**



Ek was 'n bietjie verbluf toe Yeshua gesê het: **“Stawwe van stilte”** Dit is waarom Hy gesê het: **“Ja, stawwe.”** Ek het die belangrikheid van stilte begryp en ek het begryp wat Yeshua openbaar het omtrent Sy staf. Dit was 'n nuwe toneel!

Op **12 April 2014** in 'n ander Goue Vergadering het Yeshua my sekere instruksies gegee:

“Stawwe van stilte / jy begryp / skryf dit uit / sien dit / vereenvoudig dit / My manier”

Yeshua het my reeds **“Stawwe van Stilte”** gewys wat rondom die aarde gevestig is, dus het ek begryp. (Hulle was veel meer in getal as vertoon.) In die volgende stuk sal ek probeer om dinge te vereenvoudig soos Yeshua versoek het, deur illuminering wat reeds voorkom in die “Goue Vergadering” boekie.

Stawwe

Yeshua het die woord “Stawwe” geopper op **26 Oktober 2011**. Ons was met oorlogvoering besig en ek glo dat hierdie instelling, voorgeskryf deur Yeshua en gesprek deur die Wagter was die begin van Yeshua se openbaarmaking van “Sy Stawwe.” Die Wagter het gesien en gesprek: **“Ons bevestig daardie staf, ons verklaar oorlog.** Jy verloor, (Satan), jy sal nie hierdie poging kelder nie.” Hou in gedagte dat die staf te doen het met oorlog.

'n Algemene toneel:

Yeshua het begin om redelik gereeld ons Sy “Staf” te noem. Ekself het gereken dit is netjies dat Hy dit doen, maar het geen idee gehad waarheen Hy met ons op pad was nie. Dit was nie moeilik om te verstaan nie, want hierdie groep het reeds gedoen wat “staf” sou doen vir enige iemand in 'n leierskapsposisie, soos die hoof van 'n korporasie. Ons het Yeshua gedien as Sy “staf” deur Oordeelsvergaderings te hou en enige iets anders wat Hy openbaar het ons moes doen. Ons het voortgegaan om te leer om Sy “staf” te wees. Ons het vergaderings beroep wanneer Hy ons aangesê het en so aan. Hy het Sy bediening bestuur en daardeur ons meer begrip gegee vir ons eie posisie op aarde! Yeshua het die posisie geskep, ons het maar net gehoorsaam.

Iets anders wat Yeshua besig was om te doen was om sommige mense bymekaar te bring op die internet vanoor verskillende dele van die VSA en wat individuele Goue Vergaderings gehou en self ontslae geraak het van die drie vlekke. Hierdie mense het eenmaal per week vergader d.m.v. korporatiewe foonoprope om die “sake van die Gees” wat elkeen ontvang het, te bespreek. “Die Heuvel” perseel was geskep om al hierdie informasie te berg.

Ek het in ons rekords gevind dat Yeshua op 13 Januarie 2013 bekendgemaak het dat ek die groep wat saamgekom het op “Die Heuvel” perseel en opname gemaak het van hulle “sake van die Gees”, moes vra of hulle wou dien in “Yeshua se Staf”? Yeshua het bekendgemaak dat ons almal op die perseel hulle name moes laat teken by die vraag, dat dit 'n wettige saak was. Yeshua het gesê dat dit ernstig was. Ons het seker gemaak dat elkeen begryp dat hulle onder verpligting was by Yeshua deur hul belofte – nie by ons nie.

Die volgende hoof geval was die Geheime sitting wat Yeshua ons beveel het om te hê en oor te skryf in die **“Uitbeeldings wat Elohim se Mense Moet Verstaan”** artikel. (Die Manlike Kind)

Ek het geskryf oor die uitbeelding beskryf in die vergadering, maar dit is nodig dat ek hier meer bekendmaak oor wat Yeshua gedoen en geopenbaar het. Vir jare het Yeshua vir ons vertel ons is 'n prototipe, maar Hy het altyd bekendgemaak dat daar posisies was wat nog nie gevul was nie. Gedurende die tyd van die Geheime sitting het Yeshua bekendgemaak dat die prototipe voltooi was. Ek het geweet dit was voltooi wat getalle betref. Gedurende daardie nege dae van Goue vergaderings twee maal per dag (meestal), het 'n kammeraadskap ontwikkel onder hierdie groter groep mense.

Yeshua het gesê daar sou vyftien mense in die vergadering wees, gekies deur Hom. Ons het presies vyftien gehad, maar ons het geleer dat man en vrou getel kon word as een. Ons het naderhand begryp dat ons meer mense as vyftien kon gehad het omdat Yeshua man en vrou beskou het as een. Volgens die Bybel word man en vrou een sodra hulle getroud is en die mens kan dit nie verander nie. Dit is 'n wettige saak in die geesteryk. Die getal vyftien is betekenisvol omdat Elohim niks doen sonder 'n doel nie.


Die volgende groot verandering het gekom toe Yeshua bekendgemaak het dat Hy wil hê dat hierdie groter groep (Sy Staf) al ons vergaderings op die internet moes hou. Sedertdien hou ons Korporatiewe Goue Vergaderings en Oordeelsvergaderings op die internet.

(8 Januarie 2014).

Toe die Wagter gesien het: **“Ons bevestig daardie staf, ons verklaar oorlog,”** het Yeshua gepraat van “staf” soos Moses gehad het, of iets anders? Elohim het wonders verrig deur Moses se staf en in hierdie stuk sal ek getuig van Elohim wat 'n wonderwerk doen deur Sy eerste Staf van Stilte. Soos jy kan sien aan die prent aan die begin van hierdie artikel, wil Yeshua hê dat hierdie “Stawwe van Stilte” vermenigvuldig op die aarde. Luister dus goed. Hy het die plan!

Stilte

Yeshua het gesê dinge moet helder gestel word, dus bied ek hier belangrike informasie en illuminering oor stilte aan voordat ons kyk na die wonder wat Yeshua verrig het. As jy die *Goue Vergaderings* en die *Ek het die Allerheiligste gesien* boekies gelees het, sal jy weet dat Yeshua gesê het Hy is in die stilte; dat die stilte nodig is, want Hy is Heilig! **Dat Hy werk in die stilte!** Yeshua het openbaar dat 'n persoon stil Goue Vergaderings moet beoefen volgens die grense wat Hy stel.



Een van die dinge wat Yeshua oor en oor en oor gesê het, is: “**Ek doen baie in julle stilte!**” Toe Yeshua my gewys het van inploffing in Hom in deur stilte en gehoorsaamheid, het Hy my die prent op die vorige bladsy gewys soos aangebied in die Goue Vergaderings boek. Yeshua het hierna verwys as versmelting. (Fusie)

Die wit in die middel was Yeshua wat beweeg soos weerlig van een ent na die ander in die mense se stilte op die smal weg, uitgebeeld in rooi. Die smal weg beeld Yeshua se bevel uit! Daar is twaalf mense in die toneel.

Yeshua het vir ons gesê: “**Meer mense, meer krag!**” Let op hoeveel Yeshua kan beweeg of doen in die ry van twaalf mense. Eenkeer het ek en my vrou saam 'n Goue vergadering gehou en ek het twee mense in die versmelting gesien. Ek het besef Yeshua was besig om my te wys hoeveel Hy kon doen met selfs net twee mense. Dink nou net hoeveel meer Hy kan doen met 'n honderd mense in stilte en gehoorsaamheid. Hoe meer mense, hoe beter!

Eenkeer het Yeshua aan my openbaar dat Hy iets gedoen het aan die ander kant van die aarde in ons korporatiewe *Goue Stil Vergadering*. Wil jy dat Yeshua op aarde beweeg soos Hy wil? Wil jy hê dat Yeshua in staat moet wees om te regeer in jou land? Ek hoop so! Indien wel, vestig stilte wetlik sodat Hy kan werk op aarde soos Hy verkies. Hier is een voorbeeld van 'n wonderwerk opgelewer deur hierdie eerste Staf van Stilte:

'n Wonderwerk

Yeshua het ons aangesê om mense op te lig wat naby dood was! Hy het gou 'n persoon aangedui, 'n nege jaar oue dogtertjie in Afrika. Hier is wat gebeur het:

'n Evangelis het aan my geskryf op **26 Maart 2014** oor 'n dogtertjie wat 'n hartprobleem ontwikkel het met verstopte are. In die evangelis se woorde:

“Dit word bewys dat sommige are geblokeer is en dat die enigste aar wat funksioneer gaan ophou om bloed te pomp en as dit gebeur, sal dit die einde wees van hierdie dogtertjie (9 jaar).”

Ek sal later meer van die kind se omstandighede vertel. Ons het nie van hulle geweet nie, tot na die Staf van Stilte vergadering. Dis die beste om nie te weet nie. Onthou, Yeshua het gesê: “**beeld dit uit / maak dit eenvoudig**”, dus sal ons tyd spandeer in hierdie afdeling om die nodige insig te verskaf.

Toe ons die inligting gekry het van die dogtertjie wat gebed nodig het, het ek dadelik die informasie na die groter groep deurgestuur, naamlik Koning Yeshua se Staf wat Goue Vergaderings saam met ons oor die internet hou.

Ek en my vrou het vir haar gebid en later het ek aan haar begin dink en ek het iets gesê oor die doen van haar “agterstallige skuld”. 'n Ander persoon in die groep het my genader oor dieselfde moontlikheid. Ons het geweet dit was belangrik, dus het ons besluit om Yeshua te vra vir Bettie se agterstallige skuld en dit te betaal deur middel van die instruksies wat Yeshua ons jare gelede geleer het.

Toe het 'n lid van die groep op die internet my geskakel en voorgestel dat ons die algemene groep bymekaar kry om vir die dogtertjie te bid. 'n Ander lid en ek het gepraat oor bid vir haar en hy het vir my gesê: “Ja, ek het vir haar gebid op die outydse manier.” Hy het dit ook genoem dat ons haar behoort op te lig op die nuwe manier wat Yeshua ons geleer het – 'n Stil vergadering met die korporatiewe groep.

Ons het begin om die lede op die internet te nader en ons het gereël om 'n vergadering op internet te hou, alhoewel nie almal dit sou kon bywoon nie. Toe ons almal in die vergadering op internet was, het ek die vergadering begin deur die dogter op haar naam aan Yeshua op te dra. Ons het by Yeshua se waskom gewas in Sy bloed, alles in stilte. Toe het ons gewag op Yeshua. Na 'n lang periode van stilte het ek gevra vir verslae op wat mense gekry het. Dit is alles op rekenaar geplaas sodat almal op die skerm die instruksies of prent wat Yeshua verskaf het kon sien.

Hier is ons notas (nie almal betrokke het instruksies ontvang nie):

Was in die waskom.

Persoon 1 – Iets het in haar ingebrand wat verwyder moes word (soos 'n bees brandmerk).

Persoon 2 – “Gevangene, bevry.”

Persoon 3 – Sien 'n reuse vuis wat afwaarts na die dogtertjie se kop geswaai word.

Haar kop was platgeslaan deur die groot vuis. “Verstand gevange.”

Persoon 4 – “Moenie dat die vrugte bederf nie / Bring haar na My toe.”

Persoon 5 – “Wet van vermeerdering aan die werk / genesing.” Ons verklaar dat dit so is, in YESHUA se Naam.

Persoon 6 – “Vee die lei skoon. Sê vir haar dis 'n nuwe dag.” En toe hoor hulle die lied: “*Lord, infill Us With Your Holy Spirit.*”

Persoon 7 – Hy het op sy gesig gelê deur ons hele bidtyd – “Begin die bevryding.”

Nadat hierdie inligting ontvang is, het ek van die lys afgelees. Een vir een het ons gedoen wat Yeshua bekendgemaak het, met elkeen in die vergadering wat praat en doen wat Yeshua voorgestel het met elke stukkie informasie wat ontvang is. Die volgende is 'n kort oorsig, maar jy sal die prent kan sien:

Persoon 1 – Iets het in haar ingebrand wat verwyder moes word (soos 'n bees brandmerk).

Ons het gesê dat wat dit ook al was wat in haar ingebrand was, moes uitkom! Ons het voortgegaan na die volgende item.

Persoon 2 – “Gevangene, bevry.”

Ons het verklaar dat sy bevry is. (Dit het 'n bietjie tyd geneem soos “elke item op die lys” tyd geneem het – geen haas hier nie, terwyl ons Yeshua laat praat en openbaar het soos Hy wou.)

Persoon 3 – Sien 'n reuse vuis wat afwaarts na die dogtertjie se kop geswaai word. Haar kop was platgeslaan deur die groot vuis. **“Verstand gevange.”**

Ons het haar verstand bevry verklaar, in ander woorde gegee.

Persoon 4 – **“Moenie dat die vrugte bederf nie / Bring haar na My toe.”**

Ons het haar na Yeshua toe gevat terwyl gespreek is teen die bederwing van die vrugte. Meer dinge is hier gesê onder die groep omdat hulle geïnspireer was.

Persoon 5 - **“Wet van vermeerdering aan die werk / genesing.”** Ons verklaar dat dit so is, in YESHUA se Naam. Ons het verklaar (in Yeshua se Naam) dat die wet van vermeerdering aan die werk was en dat genesing besig was om te gebeur.

Persoon 6 - **“Vee die lei skoon. Sê vir haar dis 'n nuwe dag.”** En toe hoor hulle die lied: *“Lord, infill Us With Your Holy Spirit.”*

Ons het die lei skoon verklaar en ook dat dit 'n nuwe dag vir haar, Bettie, is. Ons het toe die lied gesing en Bettie se naam ingevoeg (waar van toepassing).

Person 7 - Hy het op sy gesig gelê deur ons hele bidtyd – **“Begin die bevryding.”** Iets anders wat iemand deur Yeshua aangesê was, was om die tyd aan te teken. Dit was **7:28 NM CST op 28 Maart 2014**. Yeshua het ons verskeie kere aangesê om die tyd aan te teken wanneer ons hierdie tipe vergaderings hou.

Ons het nie die bevryding begin voordat ons nie die laaste instruksie gelees en die informasie bestudeer het nie. Kyk hoe het alles saamgevloei? Niks is deur ons self gesê nie, behalwe wat Yeshua ons beveel het om te doen en te sê. Ek kan julle meedeel dat Yeshua na die vergadering dit bekend laat word het dat Hy ingenome was met wat ons gedoen het deur die vergadering vir Bettie te hê.

Daar is 'n prent hier wat ek wil uitlig.

1. Ons het baie goeie stilte gehad toe ons die vergadering geopen het deur by Elohim se waskom te was. Ons was vir 'n rukkie stil.
2. Ons het almal Yeshua se instruksie gehoor.
3. Ons het Yeshua se instruksie uitgevoer, sonder om iets by te voeg, of iets uit te laat.
4. Yeshua het Sy deel gedoen en Hy kon as gevolg van die hoof elemente: stilte, instruksies en gehoorsaamheid.

Kyk nou na die slag van Jerigo:

1. Die leër van Israel was stil vir 7 dae soos deur Yeshua beveel;
2. Hulle het bevel ontvang vir die 7de dag;
3. Hulle het die bevel presies uitgevoer;
4. Yeshua het die mure laat val!

Die elemente het benodig: Stilte, bevel van Yeshua, gehoorsaamheid in uitvoering van dinge, sonder om by te voeg of uit te laat wat Yeshua openbaar het. (Yeshua het die mure laat val – al die elemente was nodig sover dit Israel se leër aangaan.)

Die gevolglike wonder vir Beti:

Die evangelis het aan my geskryf en met informasie oor die kind. Ek weet die dogtertjie was waarskynlik aan die slaap tydens die vergadering. Dit was die volgende oggend dat die groep, wat elke dag na haar huis toe gegaan het om vir haar te bid, weer op pad was na haar huis toe om te bid vir haar. Lees sy woorde, ek het haar ouderdom gevra, net om seker te maak.

“Sy is 9 jaar oud. Sy was bedlêend vir baie maande, en voordat ons begin het met ernstige gebed, kon sy nie hardloop, nie goed eet en glad nie goed slaap nie. Maar tot ons verbasing, op die laaste dag wat ons weer gegaan het om te bid, is dit hierdie baie bewustelose kind vir wie YHWH genade bewys het van genesing wat aangehardloop kom om op ’n afstand ons te verwelkom. Vir ons is dit werklik verstommend en Elohim kan vir seker genees. Hierdie is dieselfde dogtertjie wat getoets was en al die are van haar hart was verstop, behalwe net een wat nog gefunksioneer het en die dokters het gewaarsku dat die oomblik wat hierdie enigste aar wat nog bloed deurlaat ook verstop is, sal dit verby wees met haar. Die dokters het ook elke keer wat hierdie kind se lewe in gevaar was, gesê dat sy gaan sterf. SY WORD NOU AL HOE BETER EN BETER...”

Die evangelis het weer geskryf met meer inligting oor die dogter:

“Die stam van hierdie jong kind is gekarakteriseer deur ou towenaar mans wat toevallig ook die oupas van die kind is. Volgens die jongste inligting wat ons het, is hierdie dogter aan demone geoffer deur die oupas en dit mag die beginpunt van haar probleme en komplikasies wees... Maar DIE DANK KOM ELOHIM TOE dat HAAR MOEDER deel van ons groep geword het, want sy was die een wat ons groep oor die dogter se situasie ingelig het...”

Met ’n terugblik na die volgorde van ons Staf van stilte vergadering vir hierdie kind, het ek mense gelei deur die informasie verskaf deur Yeshua. In ’n latere vergadering het ek elke persoon laat praat en doen wat Yeshua hulle gegee het. Elke persoon het sy/haar eie informasie uitgebeeld terwyl een vir een met die lys afgegaan is. Almal het ingeskakel by wat elke persoon aangebied het. Almal was betrokke en dit is belangrik om te verstaan. Dit was beslis korrek om dit so te doen in daardie spesifieke vergadering.

In ’n ander vergadering het ons stilte gehad en het instruksies ontvang. Met daardie instruksies het Yeshua gesê: **“verlengde stilte.”** **“Begin oor”** was gegee met ’n rol wat ons moes speel. Ons is aangesê om halleluyas te skree.

Dus het ons oor begin deur weer te was by die waskom en ons het in stilte oorgegaan met die gedagte dat Yeshua sou bekendmaak wanneer dit lank genoeg was. Toe Yeshua aangedui het dat dit genoeg was, het ons die aksies gedoen en het daartydens halleluyas geskree. Hierdie was dieselfde algemene patroon wat Yeshua gebruik het by die slag van Jerigo. Ek het hierdie dinge meegedeel om insig te gee in variasies wat kan voorkom. Dit verg oefening soos wat Yeshua bekendgemaak het en dit is 'n voortdurende leerproses.

17 Februarie 2013 Grapeland TX

Protokol. Ek is 'n Elohim van orde. Ek vestig My gemeente en die posisies daarin. Ek plaas wie Ek begeer in elke posisie. Dit is julle taak om julle pligte na te kom. Ek het hulle aangewys. Julle moet eers luister en agterna handel. Moenie My vooruitloop nie. Daar is 'n doel met alles wat Ek doen. Ek het 'n doel met elkeen van julle. Hou 'self' onder beheer, want 'self' wil die besluite neem. 'Self' wil hê wat 'self' wil hê op 'self' se tyd. Dit is My plan en My tydsberekening, nie julle s'n nie. Dissipline. Dissipline word vereis om op My Staf te wees. Dink oor dié dinge.

Vergadering 6 Mei 2014 – Roy


Ek trek, Ek trek / My mense na My toe / Ek trek hulle om hul dade van hoerery te los / vertel hulle / vertel hulle hul word benodig in My Koninkryk / Ek het werk vir hulle om te doen / gaan.

Die Bruid sê: “Kom!”

Hemelse waardes is soveel anders as die waardes van die aarde. Onthou dat uit die oogpunt van die **Groot Werker**, is een swak gereedskap wat die heeltid werk maar 'n swak (onvolmaakte) werk doen van veel minder waarde in vergelyking met die skerp, gewillige, perfekte instrument wat slegs vir 'n kort tydjie werk maar 'n perfekte werkstuk lewer. (God Calling book)

Dit is hier waar ons Hom moet bewonder en toelaat om ons as Sy Bruid te bemin!

Gebruik vir slegs 'n kort tydjie
Maar wat 'n perfekte werk
uitgedraai het
gebeur hier!



Soos gesien deur 'n wagter.

Tabernakel met Yeshua sonder Mure